

Ekyenkomeredde
Jeffersonville, Indiana, USA
Decemba 30, 1962

1 Ndi musanyufu okubeera wano enkya ya leero, era okuwulira okubuulirira kuno, ng'a nzija ku kituuti. Munsonyiwe okutuuka ekikeerezi. Naye abalwadde emabega eyo, mu matatoka, ne mu mmotoka y'eddwaliro eya ambulance, nga, era nnabadde nnina okukwata ku abo abataasobodde kuyingira, olaba, bwe nnabadde sinayingira.

2 Kaakati, nneebuuza oba nga mwannyinaze oyo alina Omwana o-omuto, bw'aba nga tasobola kudda ettuntu lya leero. Njagala okubuulira akawungeezi ka leero, n'era, Mukama bw'aba ng'Ayagadde. Mwannyinaze oyo bw'aba nga tasobola kukomawo olw'okuwongayo, olwo nga (tubadde tuyimiridde okumala ekiseera ekiwanvu), kale, mumugambe, asobola omwana okumuleeta kati. Naye bw'aba nga asobola okukomawo, ekiro kya leero, kijja kubeera nga kisingawo kko gye tuli. Naye ka akole kyonna ky'asobola okukola, kyonna kye kitegeeza. Kale, bw'aba tasobola kudda, tujja kuleeta omuto kati okumuwongayo. Era kati, bino byonna, nga bwe njogera, bw'aba ng'ayagala kujja kati, kino kye kyandibadde ekiseera.

3 Kaakati, ekiro kya leero, waliwo eky'enjawulo, nja-njagala kwogera ku mutwe, obubaka obw'obunnabbi obwa: *Ssebo, Kino Ky'Ekiiseera?* Bwe kityo Mukama ng'Ayagadde, njagala okwogera ku mutwe ogwo ekiro kya leero. *Kino Ky'Ekiiseera, Bassebo?* Oba, *Bassebo, Kino Ky'Ekiiseera?* Manyanga. Era awo njagala okutwala omukisa guno, mu maaso g'ekkanisa. Mu ekyo, wabaddewo ebintu bingi ebibaddewo mu zino ennaku entono eziyise, ebyo ebisonga ku-ki-kintu ekimu eky'amaanyi ekyo kye sitegeera. Naye tuli, bulijo tu... Amakubo ga Katonda tegamala gategereebwa muntu, n'olwekyo tulina kutambulira mu kukiriza. Singa omuntu yenna asobola okunnyonnyola Katonda, awo kyandibadde tekyetaagisizaako ddala kubeera na kukiriza, kubanga olwo o-omanyi. Naye tutambula butambuzi na kukiriza.

Era enkya ya leero, nnalowoozezza oba nga nnyinza okugezaako okubeera n'okusaba kwa bulijjo okwokubuulira enjiri, kubanga, nninga akyusizzaamu ekirowoozo kyange oluvannyuma Iw'okutuuka wano ne ndaba bangi abayimiridde, nga babadde balindidde ebbanga ggwanvu. Era awo, ekiro kya leero, oboolyawo kibeere kitono wano, olwo nsobole okugenda mu maaso ne kino kye njagala okwogera.

4 Ekintu kimu kye njagala okulangirira, nga bangi ku bo bali wamu, bangi ku mmwe nga muli wamu. Ky'ekintu kye mbadde nnewala okulangirira mu wiiki nga bbiri eziyise. Kye kino nti, essaala zammwe zaayanukuddwa ezo ezikwata ku nsong y'omusolo gye mbadde nayo ne gavumenti. Yawedde. Era bwe kityo tu... Kaakati kyawedde. Nga bangi ku mmwe bwe mutegeera kiki kye baali banvunaana zaali ezo Ceeke ezaali zikoleddwa olw'olukunjaana, so nga baagezaako okugamba nti zaali zange. Ne baagala okunsasuza emitwalo gya doola asatu mw'etaano n'ekintu nga bagamba nti ekintu nkirinako obwa nnannyini, ate nga si bwe kyali. Zaali za nkunjjaana. Ekklesia ekimanyiiko. Mwenna mukimanyiiko.

5 Era ku nkomerero ne batuuka ku ddaala nti...Nja kubannyonyolako katono mu bufunze ku kiki ekyabaawo. Gibadde nga emyaka esatu oba etaano, kumpi emyaka ng'etaano, ndowooza, mu musango, nga waliwo okudda eno n'eri, okukebera ku nneeyisa na buli kimu. Naye ndi musanyufu nnyo nti tebasobola kunzuulako kintu kyonna, bwe kityo tewaaliwo kya kunnumiriza, wabula, baagamba, obutamanya bwange, nze kennyini, ndowooza, olw'obutamanya bingi ebikwata ku mateeka. Baandeetera ceeke era ne nziteekako omukono, ne nziteekako erinnya lyange, ne nziteeka mu lukunjaana Iw'enjiri. Naye awo, kasita nnaziteekangako erinnya lyange, zafuukanga zange, olaba. Si nsong...Banjamba nti, "Ekyo kirungi nnyo gwe oku, okukola bwotyo. Naye zaali zizo, era olwo n'oziwa ekklesia. Naye amangu ddala nga waakagiteekako erinnya lyo, yafuuka yiyo, si nsong wali ogitegekedde ki. Zaawandiikibwa nga zizo." Kale singa zaali ziteekeddwa, nga omuntu aziwandiiseeko nti "ekirabo ky'omuntu yenna," kyandibadde kirungi. Naye baawandiikako buwandiisi nti, "William Branham." Olaba? Era bwe nnateeka erinnya lyange ku yo, awo kyali kiwedde. Byonna olwo nga biwedde. N'olwekyo zaali...Era ku nkomerero olw'essaala...

6 Ate ebbanga si ddene nnyo, omanyi, ba...nnafuna okwolesewa nti waaliwo omusajja ow'amaanyi eyajja gye ndi, nga muddugavu, ng'aliko omukka, n'enziro, nga n'omubiri gwe guliko ebigirigimba ng'ogwa ggoonya, n'engalo ez'ekyuma. Nnalina akambe kamu akatono, bwe katyo. Era yalina ekiwandiiko ku ye nti, "Gavumenti ya Amerika." Era nga sirina kye nnyinza kukola. Nnali sisobola kweyamba. Awo Mukama n'Ajja n'Anziruukirira, era ne kiwangulwa. Mujjukira nga ekyo nkibagamba edda ennyo,

Nafuna obubaka ku lunaku luli nga baagala kuddirizaamu. Era omuwolereza wange, Mwami. Orbison mu New Albany, ne Ice and Miller mu Indianapolis, ku nsong y'omusolo, baankubira, ne banjamba nti, "Jangu eno wammanga." Ne ngendayo wammanga, Ow'oluganda Roberson nange, ne mukyala wange, n'abawanika b'ekklesia wano, ffenna. Twaserengetayo. Ne batugamba nti baali beetegefu, gavumenti, yali eyagala kuddirizaamu.

7 Ne njamba nti, "Nze, bwe mba nnina ammanja ekintu kyonna, nja kubasasula. Naye nkola kyonna kyensobola. Naye," Ne njamba nti, "Ekyo sikibanjiba." Era bwe ntio ne njogera nti, "Nze-nze..."

Eky'amazima. Katonda Akimanyi. Era Iwaki tebannumiriza, olwo, bwe guba nga gunsinga? Ne mbagamba nti, "Babaddé n'emyaka etaano nga bagezaako okukikola, naye tebafunyeeyo nsonga yonna ey'okunnumirizaako." Ne mbagamba nti, "Nedda, njaaanyi, Sijja kusasula okutuusa nga kikakasiddwa nti nkibanjibwa."

Awo omuwolereza n'antwala munda n'ayogera nange, n'agamba nti, "Kaakati, tusobola okugezaako omusango guno, Gavumenti ejja kugugezaako." N'agamba nti, "Bwe bakikola, ekintu kyokka kye basobola okukulumirizaako, kyali nti wa..."

8 Kyekyo nze, ye engeri gye nnakikolamu. Saamala ga...

Sirina kye mmanyi ku kukuuma ebitabo, n'olwekyo nnalina kukikola mu ngeri gye nnalowooza okubeera ey'amazima. Era te-teyateekebwa mu bbanka nga eri mu linnya lyange. Bulijjo baagitwalanga mu bbanka mu linnya ly'olukunjaana Iw'enjiri olw'ekkanisa n'ebirala, mulaba, n'olwekyo tewaaliwo kintu kye nnali nsobola kukikolera. Era ne...

N'agamba nti, "Kale, baagala kuddirizaamu, okutuuka ku ddoola omutwalo gumu n'ekitundu, n'omutwalo gwa ddoola ng'engassi." Era n'essente z'omuwolereza zaali doola omutwalo gumu kitundu. Awo ne mbeera nga mmanjibwa emitwalo ena. Era kati baagalayo endala ttaano, ndowooza kaakati. N'olwekyo ne njenda...

Ne njogera nti, "Wa mu nsi we nnyinza okuggyaa emitwalo gya ddoola ena? Ne mugamba nti, "Omanyi, akawunta yange eya bbanka wano, egamba ddoola kikumi, osanga n'okuwera teziwera." Ne njamba nti, "Nnyinza kuggyaa wa ddoola emitwalo ena? Ne mugamba nti, "Sirina na kya kusingayo. Sizirina. Ky'ekyo.

9 N'anjamba nti, "Mwami. Branham," ng'ayogera nti, "kiri bwe kiti. Bwe tugezaako okuwoza omusango." n'ayogera nti, "tewali kubuusabuusa nti tujja kuwangula omusango guno." N'anjamba nti, "Naye kiikino ekisoboka. Tusobola okuguwangula, kubanga era kiikino ky'enja okukola. Bajja kugamba nti zonna zizo kubanga wateekako erinnya lyo ku zo. Era bagenda kugamba nti zizo, newankubadde baaziteeka mu bbanka mu linnya ly'olukunjaana, oba ekkanisa, olukunjaana Iw'enjiri ya Branham, ne mu kkanisa."

Era tewali n'omulundi ogumu, gwe baasobola okuzuula yadde ennuu gye nnali nsaasanyizza ku lwange. Ago ge mazima. Katonda akimanyi. Waliwo abasajja abatudde wano wennyini kati, ababaddenga nange ebbanga lyonna. Tewabeerangawo nnusu yadde emu gye nnali nsaasanyizza ku lwange. Kyonna kyali ku Iw'obwakabaka bwa Katonda, buli wamu, buli ceeke, buli kimu ekirala,

10 Naye, okiraba ekyo, naye eyo si nsonga. Yali-erina kubeera yange, okusooka, ate oluvannyuma n'eba ya makanisa, enkuunjaana z'enjiri. Era balina engeri y'okukikolamu, omanyi, engeri zonna ez'okukivaamu ze basobola okukoza. Awo nze ne mbagamba nti, "Kale, Nze-nze sijja kukikola."

N'anjamba nti, "Kale, omusango bwe tuguwangula mu ngeri eyo, kubanga, nja-nja kubiyita 'ebirabo eby'omuntu' mulaba? Nja kukirangirira eri gavumenti, 'ebirabo eby'omuntu'" N'anjamba nti, "Awo, bwe naakikola bwentyo, doola ezsoba mu mutwalo gumu zija kuba ze weefunidde nga ggwe. Era awo ojja kubeera nga okizzeemu nate, era bajja kukukwatirayo emyaka emirala etaano nga bazikebera zonna."

11 Mulaba? Bw'owandiika ceeke, egenda n'eyita mu nnyumba mwe bazikakasiza. Baziteeka mu kyuma ekyokesaamu, ne bookesaamu ceeke eyo. Kuba, ceeke zonna nnazirina, nange, nti zaayitamu. N'olwekyo ne bagamba nti, "Awo webakufunira, nga okiddamu nate."

N'agamba nti, Ekintu ekirala, Mwami Branham, bw'obanga wali oyitiddwa gavumenti, bw'otyo, nga bakunoonyerezaako, si nsonga kiki kye wali okoze, mu maaso g'abantu, 'Oli muyaaaye.' Mulaba? Bwekityo bwe kiri."

12 Tunuulira omuweereza omutono ono omubaputisiti wano mu Mississippi, musajja wattu oyo. Omukazi omu yagamba nti omusajja oyo yajja n'amutyoboola. Ate omusajja oyo yaleeta obukakafu okuva mu bifo bingi mu ggwanga lyonna na buli wamu nti, teyali na mu kibuga ekyo okumala ennaku eziwerako emabega, ne ku lunaku olwo lwennyini, oba olunaku olwaddako, n'okutuuka nti omulamuzi bwe yayagala okwekyusa amuleetere okuwawaabira omukazi olw'akalebule. N'amugamba nti, "Muleke agende."

Era ekyo bwe kyateekebwa ku Kunoonyereza ku bukakafu bw'ensonga eyo, mu ggwanga lyonna, omanyi kiki ekyabaawo? Abamerika Nsanvu mu bataano ku buli kikumi baagamba nti, "Awali omukka, tewabula muliro." Era munaffe oyo omunaku, nga talina musango nga bwe nandibadde, oba omuntu omulala yenna, ajja kuteganira mu ekyo ennaku z'obulamu bwe zonna, so nga teyalina yadde n'ekimu kye yakola.

13 Nnawulira bubi, okumala akaseera, okulowooza nti obulamu bwange mbutaddewo ku Iw'obwakabaka bwa Katonda, okugezaako okukola, okulaba ng'abantu basasula emisolo gyammwe ne bakola n'ebintu ebimu, nga bakola ekituufu, n'okufuula abayaaye okubeera ab'amazima; ne mbeera nga nnina okutwalibwa ng'omuyaaye, nze kennyini. Ne nneebuuza nti, "Kiki mu nsi kye nkoze?"

Kati awo ne kijja gye ndi, ne ntunula mu Baibuli. Buli muntu yenna mu Baibuli, awatali kutiliza, eyali abadde ne woofisi ey'omwoyo, bw'aba Sitaani teyasobola kubakwatira ku mpisa oba ekintu ekimu, gavumenti ye yabakwatanga. Ddayo wonna w'oyagala okuyita, okutuukira ddala awasemba; Musa, Danyeri, abaana Abaebbulaniya, Yokaana Omubatiza. Yesu Kristo yafa olwa gavumenti, ekibonerezo eky'okufa. Pawulo, Peetero, Yakobo Omukulu, Yakobo omutono, buli omu ku bo yafa wansi wa gavumenti.

Kubanga, kiri nti, buli gavumenti, y'entebe-y'entebe ya Setaani. Yesu bwe yayogera. Baibuli ekyogera. Mulaba?

14 Buli gavumenti efugibwa Setaani. Wajja gavumenti ejja okufugibwa Kristo, naye ekkyo kiri mu bufuzi obw'Emyaka Olukumi. Naye kino, gavumenti zino kati, si nsonga tulowooza tutya nti nnungi, emabega waazo, zifugibwa Setaani. "Obwakabaka buno," bwe yamugamba nti, "bwange. Mbukozesa kyonna kye njagala okukola. Nja kubukuwa Gwe, singa Onasinza."

Yesu n'Amugamba nti, "Vva wendi ggwe Setaani. 'Onaasinzanga Mukama, era Ye yekka gw'Onaaweerezanga."

15 Kati nno nnagwamu amaanyi. Mukazi wange ampuliriza. Ne njenda mu maaso, ne njamba nti, "Nedda, ssebo. Singa mbadde mmanjibwa, nnandirisasudde. Sibanjibwa, era sigenda kulisasula. Ky'ekyo." Ne njamba nti, "Kati nze Nnyinza ntya okulisasula?"

N'olwekyo ne njenda ewaka. Ne njamba nti, "Meda, naaza abaana mu maaso. Tegeka engoye zaabwe. Njenda." Ne njamba nti, "Tebajja na ku... Buli kintu. Kyesulise."

Ne njamba nti, "Kiki kye nkoze? Mbuulira." Ne njamba nti, "Emitwalo gya ddoola ena, nga giri ku nze? Whew! Tomanyi ekkyo kye kitegeesa gye ndi." N'ayingirawo, ng'omukyala omusuffu bwe yandibadde. Ne mugamba nti, "njenda."

N'aŋjamba nti, "Olowooza ekkyo kiyinza okukola akalungi konna? Wakisabidde dda?"

16 Nnalowooza nti, "Kale, oboolyawo kisingako nkisabire nate." Ne nzirayo munda. Kyafaanana nga Eyanjamba Ekyawandiikibwa.

Bulijjo, twagala okutunuulira Ekyawandiikibwa, kiki Katonda kye Yakikolako olaba.

Era olunaku lumu, kya mubuuzipwa Ye, mumanyi, nga bagezaako okumuvunaana eri gavumenti. Baagamba nti, "Kituufu eri ffe Abayudaaya ab'eddeme okuwa Kayisaali obusuulu oba omusolo?" N'babuuza nti, "Mulina ennusu?" N'abagamba nti "Ebiwandiiko ebiriko byani?" Ne bamuddamu nti, "bya Kayisaali."

N'abagamba nti, "Awo ebya Kayisaali mubiwe Kayisaali. N'ebya Katonda mubiwe Katonda."

17 Nnalowooza ku ekkyo. Ne nkyukira mu Baibuli ne nkisoma. Ne ndowooza nti, "Mazima, Mukama, ekkyo kituufu. Naye kino si kya Kayisaali. Kino kyali kikyo. Tekyali kya Kayisaali. Singa kyali kyange, era nga nnandibadde nsasula omusolo ogusingawo oba ekintu ekimu, kale, ekkyo kyandibadde kyanjawulo, nga kya Kayisaali. Naye, *kino*, *kino* Kikyo. Mulaba? Era tekyali kya Kayisaali, okusookera ddala."

Omanyi, bulijjo Alina ekky'okuddamu okuyita mu Kigambo. Nnasomamu busomi okweyongera mu maaso katono, era n'Agamba nti, "Kale, Simooni, tolina ddobo mu nsawo yo?" Olaba? "Bulijjo otambula n'eddobo wamu n'oluwazi. Era nnataddeyo ssente mu bbanka enkyi ya leero, mu bbanka y'ekyennyanja eyo ku-ku mugga, omanyi" Yagamba nti Ye... "Nnataddeyo ssente, era owa bbanka ddala ajja kuwa ekkyo kyalina. Kkirira bukkirizi wansi eyo osuule eddobo mu mugga. Era bw'onooggyayo bbanka, yasanya akamwa kaayo, olaba, era ejja-ejja kufulumya ekinusu. Leka tuleme kubanyiiza. Tobanyiiza. Mulaba? Genda ogusasule Simooni. Ogwo gujja kubeera ogugwo era n'ogwange."

Nnalowooza nti, "Mazima, Katonda. Olina bbanka z'ekyennyanja awalala, nebirala byonna mu nsi yonna. Simanyi ngeri ki gye kigenda kukolebwamu."

18 Naye twakkirira wansi. Nnina ab'oluganda wano wennyini mu kkanisa abaayimirira nange, ne nfunasente, ne nsasula ddoola ezo emitwalo ena.

Nnaddayo ewaka. Nnayagala okumanya engeri gye nnawandiikamu ceeke eyo, kabekasinge nga bakomyewo gye ndi nate. Ne njamba nti, "Kuno kwe kugamba nti ndi wa ddeme okuwa eri emisolo gyonna. Kale, kisingako ne bagisasula eyo, mazima ddala bajja kuba mu katyabaga oluvannyuma Iw'ebyo byonna."

Nnagenda mu maaso nga nkubira aba bbanka, okulaba oba bayinza okukikola. Era, oluvannyuma, Bob yanjambla nti, "Billy, baakikoze." Nnayingira ne nteeka emikono gyange ku mukyala wange, ne njamba nti, "Omwagalwa, ndi wa ddeme." Enneewulira eyo, okubeera ow'eddeme!

Era bwe ntyo nsobola okugisasula kati, baakijjondezaamu nnyo. Nsobola okugisasula ku ddoola

enkumi nnya buli mwaka. Kaakati, sisobola kulonzalonta nate. Bannange. Nnina okufuluma okugenda okukola. N'olwekyo nze-nze... kijja kuntwalira emyaka kkumi okugisasula. Era singa-singa Yesu tajja. Era ekyo bwe, bw'Ajja, amabanja gonna gajja kuba nga gasasuliddwa mu ngeri yonna. Mulaba? Kale awo nno nze-nze ndowooza nti mmwe mwenna... Essaala zammwe... Era, ekiro kya leero, nja kweyongerayo mu maaso katono ku nsonga eyo. Naye essaala zammwe ze zannyamba. Mwebale, nnyo. Katonda abawe omukisa. Ne bwe kiriba nga tuli wa, sirikyerabira ekyo.

19 Ekiro kya leero, Mukama ng'Ayagadde, njagala okwogera agamu ku mazima ge mmanyi. Era mufube okulaba nga mujja. Kaakati, mujjukire: *Bassebo, Kiseera Ki?*

Kaakati, tugenda ku... nzikiriza, balina enteekateeka enzijuvi mu ezo ezisigaddeyo ... wiiki eno. Era ekiro kya Mmande ki... Enkunjaana, ekiro kya leero, olwa leero n'ekiro ne Mmande. Mmande ekiro kusaba kwa kukeesa budde. Era-era ekyo kikuwa Olw'okubiri, Olusooka mu mwaka; bwe mubeera wabweru w'ekibuga, musobola okuddayo ewaka.

Era tujja kabeera n'abawereza abalungi wano kati olw'olukuŋjaana olwo. Ffe, e-ekibiina eky'amaanyi eky'aboogezi abalungi, era buli omu ajja kuba ayogerera mu mpalo, okutuusa essaawa mukaaga ogw'ekiro. Ate ebiseera ebimu basembera, bwe kibeera mu ntegeka. Simanyi oba banaakikola omulundi guno, oba nedda. Awo nga abalala baleekaana olw'okukyamuukirira, nga bakuba kkerere, nga bawoggana, nga banya, era nga bagenda mu maaso bwe batyo, ffe olwo nga tusembera. Amiina. Tutandika Omwaka Omuggya obulungi, n'okusembera.

20 Kaakati, mwenna mwanirizibwa. Era ekyo nkisuubira nti, mmwe, Katonda Ow'eggulu Ajja kubawa akakisa okusigala bwe muba nga musobola.

Kaakati, nga tetunnagenda mu Kigambo, njagala okwogera kino, nakyo, nti ddala nneebaza ekkanisa eno, ba memba baayo, olw'olugoye Iw'essuuti luno lwe mwangulidde. Mwebale, nnyo, nnyo. Ekyo ky'amaanyi nnyo gyendi. Bu kkaadi bwammwe n'ebintu okuyita mu- mu kiseera kino ekya Ssekukkulu, n'ebirabo bye mwasindikidde famire, era, oh, nze, byabadde bingi gyendi. N'ebintu ebirala ebitasobola kuva mu mutima gwange, tewali kiyinza kukikola bwe kityo, okumanya nti kiva gye muli. Era abamu ku bo baansindikidde sente ng'ebirabo byabwe ebya Ssekukkulu.

Era abamu baasindise ebyo. Ow'oluganda omu yasindikidde akatabo akabeera mu nsawo, era nga ku ko ataddeko erinnya lyange. Ne ppini mw'olabira; nga kalina essaala ya Mukama waffe mu kko. Era, oh, ebintu bwe bityo, ki... tubitwala nga eby'omuwendo. Mukyala wange nange, era n'abaana baagala okubagamba nti, "Mwebale, nnyo." Kitono nnyo. Naye nja kwogera kino, kino kye kigambo ekisingayo kye ndowooza omuntu yenna kye yandyogedde nti, "Katonda abawe omukisa." Tewaliwo kiyinza kukisinga.

21 Kaakati, n'eri ab'oluganda bano wano ku kkanisa, abangulira emmundu eyo, nna-nnayambadde essuuti yange, naye emmundu saasobodde kugireeta ku kkanisa. Naye kyali... Bayinza okuba nga banninako ensonga ate, tebaginninaako? Kale mbeebaliza ddala, baganda bange. Era nnabadde njenja kusoma ku mannya gaabwe katono...Naye omu ku b'oluganda abo yabaddewo eggulo n'agamba nti, "Oh, togeza-togeza-tonneebaza, ow'oluganda Branham. Kyandimalamu essanyu erikirmu. Mulaba?" Bwentyo ne ndowooza nti oboolyawo n'abalala bayinza okulowooza ekintu kye kimu. Naye nnina amannya gammwe. Baagawandiise. Bulijo okujukirwa. Era Mukama abawe nnyo omukisa.

Era mumanyi kiki kyempummulirako, kwe kugenda mu kisenge kyange eky'omunda ne ntuala eyo, ne nteewulukuka. Bwe nfunu okucankalana, nga sikyayinza kweyongerayo, awo ne ndowooza ku kuyingga kwe nnalina awantu awamu, oba awantu awamu gye nnagenda okuvuba. Nsiimidde ddala. Katonda abawe omukisa.

22 Kaakati, tusobola okukoteka emitwe gyaffe mu kaseera katono, nga bwe tugenda mu Kigambo. Ndi mukakafu waliwo eby'okusabira wano enkyo ya leero, bingi nnyo nga n'okubalika tebibalika kaakano. Naye ndowooza, nga bwe tukotese emitwe gyaffe, okusaba kwammwe okwenjawulo, bwe muba musobola okukikuumira ku mitima gyammwe, era ne muwanika buwanisi mikono gyammwe, mugambe nti, "Ai Katonda, Omanyi kiki kye ndowooza kati."

23 Mukama Yesu, Olaba buli mukono. Era Omanyi kiki ekiguli emabega. Wansi w'omukono ogwo waliyo eky'okusabira. Era tujja kaakati, nga twewombeese, waggulu ku ntebe y'Obwakabaka eya Katonda omulamu, eyo eya luulu ey'amaanyi eyeegolola okutuuka mu bbanga ery'ebiseera, eyo Katonda Yakuwa gy'Atuula Eyo, n'Omusaayi gwa Kristo nga guli ku woolutaali. Era twogera okusinziira ku Musaayi ogwo, olw'Oyo eyagamba nti, "Musabe Kitange ekintu kyonna mu Linnya Lyange, kijja kubaweebwa." Toowulire, Ai Katonda, enkyo ya leero, era oddemu okusaba kwabwe? Nteeka okusaba kwange wamu n'okwabwe, olwa leero, nti ojja kukwanukula.

Wano waliwo obutambaala obuli wano, Mukama, eri abalwadde n'abanyigirizibwa. Era tuyigirizibwa mu Baibuli, nti, "Baggyanga obutambaala n'ebiremba ku Mutukuvu Pawulo, ne biteekebwanga ku balwadde. Emoyo emikyamu ne gibavaako, era n'endwadde ne zigenda." Era, Taata, era tukitegeeredde ebbanga

ggwanvu, era nga ddala tukimanyi nti tetuli Pawulo Omutukuvu. Naye, oluvannyuma Iwa byonna, tukiwulira nti teyali Mutukuvu Pawulo. Yali Kristo eyamulimu. Era Ye ggwe "aba obumu jjo, leero, n'emirembe gyonna," okusinziira ku Kyawandiikibwa.

24 Kaakati, abantu bano, Mukama, bakkiriza nti bwe tunaasaba Katonda, ne tutwala obutambaala buno ne tubuteeka ku balwadde baabwe, nti bajja kuwona. Nsaba nti kibeere bwe kityo, Mukama, ng'obutambaala buno buteekeddwa ku balwadde.

Era nga bwe kyayogerwa, ekiseera ekimu, Israeri nga etandikira mu buvanaanyizibwa bwayo, nga egenda mu nsi ensuubize, Ennyanja Emmyufu n'ebasalako, awo ddala mu kkubo ery'omulimu. Naye Katonda yatunula wansi okuyita mu Mpagi ey'Omuliyo, n'amaaso amakambwe, era ennyanja eyo n'etya. N'ezzaayo amayengo gaayo, amazzi gaayo. Israeri n'eyitamu ku ttaka ekkalu, nga bagenda mu nsi ensuubize.

Kaakati, Mukama, olwa leero, tunula okuyita mu Musaayi gwa Yesu. Era olabe ekikolwa kino eky'okukkiriza kye tukola wano enky ya leero. Era leka Sitaani atye era aveewo. Era leka buli omu ku batambuze bano abali wano, era na buli butambaala buno gwe bunaateekebwako, leka (bo) ekkubo libaggulirwewo, n'endwadde ziggyibwewo. Era leka batambule nga bagenda mu nsi ensuubize, nga bakulemberwa Omwoyo Omutukuvu, Empagi y'Omuliyo. Kituwe, Mukama.

Kaakati, wa omukisa enkuungaana, ebigambo ebinaayogerwa, n'omulamwa gwaabyo, n'okusoma. Era leka Omwoyo Omutukuvu awale Ekigambo, enky ya leero, era akyawulire bulungi buli omu ku ffe, Mukama, nga bwe tusemberera ekintu ekimu ekikulu ennyo kye tutamanyi kye ki. Emitima gyaffe nga gikwatibwako mu ngeri etali ya bulijjo, Mukama. Era tusaba kati, nga bwe tujja n'obuwombeefu gy'Oli n'eri Ekigambo Kyo, nti Ojja kutuvvuunulira amakulu gaakyo. Tukisabye mu Linnya lya Yesu. Amiina.

25 Kaakati, ekiro kya leero, temweerabira omu... *Ekiseera, Kiseera Ki?*

Era kati, enky ya leero, njagala okukyukira, wamu nammwe era abalina Baibuli zammwe. Oba mukirambe, bwe muba mwagala, mu Byawandiikibwa, eyo gye twagala okusinziira okwogera, okumala akaseera akatono, kisangibwa mu Kitabo ky'ebikolwa by'abatume. Tuyinza okusoma mu bifo bibiri ova bisatu. Ebikolwa 26:15, okusooka. Ebikolwa, essuula 25 n'olunyiriri 15, okutandika.

Olwo twagala okusoma mu bikolwa 23:11. Era oyinza okugattako ne kino, by'oba oyagadde, nnyinza obutabeera na budde bukisoma, Abafiripi 1:20. Kyonna kiri mu kiwenda kye kimu, ebigambo bye bimu.

26 Kaakati, mu Kitabo ky'ebikolwa by'abatume 26:15, kisoma bwe kiti.

Nze ne njamba nti Gwe ani, Mukama wange? Mukama waffe n'agamba nti Nze Yesu, gw'oyigganya ggwe.

Naye golokoka, oyimirire ku bigere byo: kyenvudde nkulabikira, nkulonze obeerenga omuweereza era omujulirwa w'ebyo mw'ondabidde era ow'ebyo mwe nnaakulabikiranga;

Nga nkuwonya mu bantu ne mu b'Amawanga,

Nze gye nkutuma okuzibula amaso gaabwe, bakyuke okuva mu kizikiza badde eri omusana n'okuva mu buyinza bwa Setaani badde eri Katonda, balyoke baweebwe okuggibwako ebibi n'obusika mu abo abatukuzibwa olw'okukkiriza nze.

Kale, kabaka Agulipa, saalema kugondera okwolesebwa okw'omu ggulu:

Naye nnasooka okubuulira ab'omu Ddamasiko ne mu Yerusaalemi, era n'ensi yonna ey'e Buyudaaya n'ab'amawanga okwenenya n'okukyukira Katonda, nga bakolanga ebikolwa ebisaanidde okwenenya.

Mu bikolwa by'abatume 23, n'olunyiriri 11 nate.

Awo mu kiro eky'okubiri, Mukama waffe n'ayimirira w'ali n'agamba nti Guma omwoyo Pawulo: kuba nga bwe wategeeza ebigambo byange mu Yerusaalemi, era kikugwanidde okutegeeza bw'otyo ne mu Ruumi.

Leka Katonda agatte emikisa Gye emitukuvu ku kusoma kw'Ekigambo kino eky'okusaasira, ekitukuvu, kye tulina mu maaso gaffe.

27 Kaakati, nnali mpuliriza omusajja, si dda nnyo, ng'ayogera, ova ng'agamba, n'akozesa ekigambo: Eky'enkomeredde. Ne ndowooza nti, "Ekyo ekigambo kirungi." Nkiwulira bakikozesa emirundi mingi, "Dala eky'enkomeredde" Kweku...

Nnatunula mu nkuluze y'ebigambo, eya Webster. Okusinziira ku Webster, "Ekituukiridde mu kyo kyennyini; Nga tekikugirwa mu maanyi gaakyo; okusingira ddala kimala byonna." Era kamala byonna ye

"Amiina. Ky'ekyo." Eky'enkomeredde, kiri ekkyo. Kyekyo "Ekitakugirwa mu maanyi," ekigambo ekyenkomeredde. Kiri-kiri, "Kituukiridde mu kyo kyennyini. Ky'ekyo kyonna. Ekyo ekimala. Nnalowooza nti, "Ekyo nga kya kitalo. Ekyo kigambo kya ttendo."

Era kaakati, ekigambo kye kirowoozo ekirabisiddwa. Okusooka, kiteekeddwa okubera ekirowoozo, awo ne kifuuka ekigambo. Kubanga, tosobola kwogera bigambo byo awatali kulwooza.

28 Bwe twogera mu nnimi, tetulina kirowoozo kyonna. Katonda y'Aba akwata ebirowoozo. Kiba kirowoozo kya Katonda nga kikozesa emimwa gyaffe. Tetulowooza yadde okumanya ky'oba oyogera bw'oba oyogera mu nnimi, kasita okwogera okwo kuba kulunjjamiziddwa. Bw'ovvuunula, obeera tomanyi kiki ky'oyogera. Okyogera bwogezi. Ky'ekyo. Olaba? Oyo ye Katonda. Era n'okulagula, obeera tokozesa birowoozo byo gwe. Aba Katonda, kuba oyogera ebintu bulijo by'otayinza kuluwooza kwogera. Mulaba?

29 Naye ekigambo *ekyenkomeredde* kitegeeza "kamala byonna." Era, n'olwekyo, Ndowooza nti buli muntu alina okubeera ne kamala byonna. Na buli kituukiddwako eky'amaanyi ekyali kituukiddwako, wabaddengawo enkyenkomeredde emabega waakyo. Si nsonga kyali kiki, kyalina ekyenkomeredde emabega waakyo. Era buli muntu, okusobola okubaako ky'atuukako, alina okusooka okubeera n'ekyenkomeredde. Era okwo kwe kukyuuka okusembayo, okuyita mu *kino*, *kiri*, n'okuddayo okuyita mu *kiri ekirala*, okutuusa nga oli ku kyenkomeredde, oba ku amiina, oba ku kamala byonna. Ow'ekyo ky'oli mu... Olina okuba n'ekintu kw'osibira, mu buli ngeri. Kye mpagi luwaga, buli kyonna ekituukiddwako kwe kisibira. Kiri awantu awamu. Ekintu kiyinza okuyita mu bintu bingi ebyenjawulo okutuusa nga kituuse ku mpagi eyo ey'okwesibirako, naye awo we wali amiina ku kyo kyonna. Walina okubeerawo ekintu bwe kityo. Toyinza kuyita mu bulamu nga tokirina.

30 Gwe, bwe mwafumbiriganwa, walina okubaako by'oyitamu mu ndowooza yo, okutuusa bwe wakoona ku mpagi ey'okwesibirako eyo. Ate kwalina kuba kwagala eri mukyala wo, oba omwami wo. Kale, oboolyawo si mulungi nga mukyala Yokaana; oba ye, kale, tali ki-*kino*, oba *kiri*. Naye waliwo ekimuliko, nti, gwe, kikukuba. O-o-ogamba nti, "Ayinza obutabeera nnalulungi ng'oli," oba, "Omusajja ayinza obutabeera mulungi ng'oli omulala." Naye walina okubeerawo ekyenkomeredde awo, nti omuntu oyo wa njawulo, era weewo w'okwatiridde. Ekyo bwe kiba nga tekiriwo, kisingako obutafumbirigana. Empagi ey'okwesibirako. Ekyenkomeredde ekkyo!

31 Tusobola okulwooza ku bangi abaalina eby'enkomeredde, mu Baibuli. Oh, engeri gye tuyinza okutwala, okuyita mu muktu gwa Baibuli eyo, ne twesanga nga tubadde wano wiiki bbiri okuva kati; nga n'okutandika tetutandise, bwe tuba ab'okulwooza ku by'enkomeredde mu Baibuli. Eky'okugeza, ka mpiteyo omu oba babiri, mboogereko mu bufunze.

Tunuulira Yobu. Kaakati, yalina ekyenkomeredde. Buli kimu kya kyatabukira omusajja oyo, omusajja omutuukirivu. Kaakati, tetuyinza kwetantala kugamba nti teyali mutuukirivu, kubanga Katonda yagamba nti yali. "Tewaaliwo n'omu ku nsi eyali nga Yobu. Yali atuukiridde," mu maaso ga Katonda. Era yali akimanyi, kubanga yalina kamala byonna. Yalina ekyenkomeredde.

32 Buli kimu bwe kyalabika ng'ekimulwanyisa.

Ekirwadde kyabalukawo. Mikwano gye bayinza n'okuba nga baagamba nti, "Kaakati, oli awo, Yobu. Ekyo kikakasa nti oli mu kwonoona, Oli mukyamu." Era awo abalabirizi ne bajja. Baabayita ababeezi ba Yobu. Era mu kifo ky'okumubudaabuda, tebaalaba kirala wabula ekibi mu bulamu bwe kubanga Katonda Yali amuyisizza bwatyo nga bwe Yakola.

Abaana be ne battibwa. Ebintu bye ne byokebwa. Buli kimu ekikye ne kicankalana. N'obulamu bwe bwe nnyini ne buba mu katyabaga, ng'atudde ku ntuumu y'evvu, okuvira ddala ku mutwe gwe okutuuka ku bigere bye, ng'alina amayute. N'omwagalwa we, omubeezi we omulungi, maama w'abaana abo, n'amugamba nti, "Wandikolimide Katonda n'ofa bufi." Naye mu ebyo byonna, Yobu yalina ekyenkomeredde.

33 Oh, mu biseera by'endwadde, singa twesibira bwesibizi ku kyenkomeredde ekkyo!

Yobu yali amanyi nti akoze ebiragiro bya Yakuwa. Era yalina okukkiriza mu ekkyo kye yakola, kubanga Yakuwa kye yali yetaaga. Tusobola okukola obukozi ekkyo. Yakuwa yali yeetaaga saddaaka enjokeye olw'ekibi kye. Era Yobu, si eri ye yekka, naye n'eri abaana be, yabaweerayo saddaaka enjokeye, era kye kyo kyokka Katonda kye yali yeetaaga. "Oh," oyinza okugamba nti, "Singa kye kyo kyokka kye Yeetaaga n'olwa leero."

Kitono ku ekkyo. Kukkiriza mu Kigambo Kye kyokka! Era ggwe, Singa Ekigambo Kye okifuula ekyenkomeredde kyo, osobola. Ekisuubizo eky'Obwakatonda kyonna mu Baibuli, osobola okukisibirako emmeeme yo. Si nsonga amayengo gakusukunda gatya, osigala osibiddwa; ekyenkomeredde kyo.

34 Yakinywererako. Era ababeezi be baagamba nti, "Oyonoonye," ye yali amanyi nti tannayonoona. Yali mutuukirivu, kubanga yali akoze ekiragiro kya Yakuwa. Era awo buli kimu ekikye...

Omusajja yayingirawo, n'agamba nti, "Abaana bo bafudde." Omulala n'ayingirawo, n'agamba nti, "Eejjamira zo zonna zookeddwa omuliro. Omuliro gwavudde mu Ggulu."

Tunuulira ensonga abaali bamumalako emirembe gye baalina. "Mulaba? Omuliro gwavudde mu ggulu. Kaakati, Yobu, ekyo kikakasa." Ekyo tekirina kye kikakasa. "Kaakati, Teyandikubye baana bo. Yobu; oli musajja mwesigwa."

"Naye," Yobu yagamba nti, "Mmanyi nkoze ekyo ekituufu." Yasigala munywevu. Yalina ensonga ey'okukkaatiriza. Kye kyo. Yali akikkirizza. Yali akoledde ddala ekyo Katonda kye yali yamugamba okukola, era yali mukakafu ddala. Kale.

35 Awo bwe yajja mu kifo, ekyenkomeredde ekyo bwe kyanywera, ku nkomerero ya byonna n'atandika okuwulira nga munywevu ddala. Ekyo ekyali kigenda kiyuuguuma, nga kisuulibwa eno n'eri, naye ne kitandika okwenyweza. Awo Omwoyo n'amujjako. N'ayimirira, olw'okuba yali nnabbi, n'agamba nti, "Mmanyi nti Omununuzi wange mulamu." Amiina. Mulaba? Yali yeenywezezza ku kyenkomeredde kye. Yali akwatagananye nakyo. Yali amanyi nti yakola ekituufu, era olunaku olumu yali wa kugenda gye kiri. "Mmanyi nti Omununuzi wange mulamu, era mu nnaku ezisembayo, Aliyimirira ku nsi eno. Wadde nga envunu zoonoona omubiri guno, wabula omubiri gwange gujja kulaba Katonda." Olwo yali amanyi. Awo ekyenkomeredde kye ne kinywera.

36 Ibulayimu, ekyenkomeredde, ng'ava e Babulooni, okuva ku munaala, okudda eyo e Sinali, era eyo gye yali atambulira wamu ne kitaawe, era oboolyawo yali mulimi. Naye olunaku lumu, ewala eyo mu nsiko awantu awamu, oboolyawo ng'alonda ensogasoga, oba-oba nga agenda okutta ensolo olw'ennyama; kati awantu awamu emabega eyo, Katonda yayogera naye, nga wa myaka nsanvu mu etaano. Era yali... Ye ne mukyala we, Saala, ate ye nga wa myaka nkaaga mu etaano, yali talina mwana- nga talina mwana. Tebaalina mwana yadde. Olwo Katonda n'amugamba nti, "Ogenda kuzaala omwana okuyita mu Saala. Naye, okusobola okukola kino, olina okweyawula."

37 Ebisuubizo bya Katonda bulijjo bibeerako obukwakkulizo. Oteekwa, ddala. Si nsonge otuukirizza otya enkola y'okufuna ekisuubizo, kiri wansi wa bukwakkulizo, bulijjo. Nga tuyinza okuyimirira wano ne tuyita mu Kyawandiikibwa ekyo nga tudda emabega ne mu maaso, okumala essaawa eziwerako, mulaba, tuffa kulaba nti akawkakkulizo ke kalina amakulu. Oyinza okubeera obubeezi n'enkola yokka nga gwe bw'oyagala, naye kiri wansi wa bukwakkulizo bw'ekisuubizo, Okuba nga walondebwa dda, n'ebirala.

38 Weetegereze. Kaakati, "Ibulayimu, yakkiriza Katonda, ne kimubalirwa okubeera omutuukirivu." Kaakati, nga kyandibadde kintu kibi nnyo okusisinkana mu-mu nsi engunjufu, omusajja ow'emyaka ensanvu mu etaano, n'omukazi emyaka nkaaga mu etaano, era baali babadde bona okuviira ddala nga bakyali bafumbo abato, kuba yali mwannyina omwana wa kitaawe omuto, kati ng'agenda kuzaala omwana naye. Naye yalina enkyenkomeredde. Tewaaliwo kyali kigenda kumusigula.

Era awo, omwezi ogusooka, tekyabaawo, ekyenkomeredde kye kyanywera, kubanga yali amanyi nti yayogera ne Katonda. Omwezi ogw'okubiri, omwaka ogw'okubiri, emyaka kkumi, era ne ku myaka abiri mw'etaano oluvannyuma, ng'alina emyaka kikumi nga ne Saala alina kyenda, ekyenkomeredde kye kyanywera.

39 Era Baibuli yagamba, bwe baawandiika ebyafaayo bye, Yagamba nti, "Ibulayimu teyatagalira ku kisuubizo kya Katonda, okuyita mu butakkiriza, naye yali w'amaanyi, ng'atendereza Katonda."

Lwaki? Wali olowoozezza Iwaki? Yali mukakafu ddala. Era ekintu kyokka kye yalina okukola kwali kweyawula okuva eri abantu be. Era Katonda teyamuwa mukisa okutuusa ng'akikoze. Yatwala kitaawe. Kitaawe n'afa. N'atwala Lutti. Era oluvannyuma nga Lutti yeeyawudde ku Ibulayimu, Katonda n'alyoka ajja gy'ali, n'agamba nti, "Kaakati tambula okuyita mu nsi." Mulaba?

Obugonvu, ekisuubizo, wansi w'obukwakkulizo, bulijjo kigenda ne Katonda n'Ewigambo Kye.

40 Kaakati tunula ku...Ka tutwale Musa. Musa, omu-omuweereza, omubombi nnabbi wa Katonda, o-oyo Katonda gwe Yali akuzizza era n'amusomeseza mu lubiri Iwa Falaawo. Era-era Musa n'afuluma n'okutendekebwa kwe mu by'eddiini, era olwali olwo nga asse omusajja eyasooka. Olwo, akasobu akasooka olwajja, Musa n'atyaa bubi nnyo.

Lwaki? Teyalina kyankomeredde. Yalina bujulizi bwa maama we bwokka obw'okuzaalibwa kwe. Yali mwana wa njawulo. Ebigambo bya maama we byokka bye yalina ku kyo. Yalina emizingo egoo Katonda gye yalina oboolyawo ku mpapula awantu awamu, gye baali baawandiika, ne bajja nagyo, nti Katonda yali agenda kukyalira abaana Be. Yamanya nti ekyo kye kyali ekiseera. Nga naffe bwe tukola kaakati, tumanyi nti waliwo ekinaatera okubaawo.

41 Kaakati, Musa yamanya nti ekyo kye kyali ekiseera, era yamanya nti yali yalondebwa olw'ekyo, naye teyalina kya nkomerdedde. Mulaba?

Era olunaku olumu, eyo emabega mu eddungu, okwolesebwa kwa kyo nga kumuvuddeko, Katonda n'Amulabikira, mu kisaka ekyaka n'omuliro. N'Amugamba nti, "Musa, ndabye okunyigirizibwa kwa bantu Bange. Mpulidde okusinda n'okukaaba kwabwe, olw'abakozesa baabwe ababalonereza. Era Nzijukidde ekisuubizo Kyange. Nzise wansi okubanunula. Kaakati serengeta e Misiri." Oh, owange!

Musa, n'amuddamu, nga yeemulugunya, nga agamba nti, "Soogera bulungi. Enjo-enjogera yange si nnungi. Tebajja kunzikiriza" N'Amugamba nti, "Kiki ekyo ekiri mu mukono gwo?" N'agamba nti, "Muggo."

N'Amugamba nti, "Gusuule wansi."ne gufuuka omusota. N'Agamba nti, "Kwata ku kawuuwo oglondewo." Ne guddamu ne gufuuka nate omuggo. Yali amuwa bukakafu, okukakasibwa.

Katonda bw'Awa ekyenkomeredde, Abaddenga Akakasa ekyenkomeredde ekyo.

42 Awo Musa, bwe yali eyo wansi n'asuula omuggo mu maaso g'abafuusa ne Falaawo, abafuusa nabo ne bajja ne basuula emiggo gyabwe, Musa teyadduka n'agamba nti, "Oh, kale, nnabadde mukyamu. Ah, ako kakodyo ka bufuusa akanafu, oboolyawo nnabadde mukyamu."

Naye Yali amanyi. Yali mukakafu nti yasisinkana Katonda, bwatyo n'ayimirira butengerera. Ka tugambe nti yali akoze ekyo kye nnyini Katonda kye yali amugambye okukola. Ne Yobu bwatyo yakolera ddala ekyo Katonda kye yamugamba okukola. Musa yali agoberedde ebiragiro Bye. Kati nno, yimirira butengerera olabe ekitiibwa kya Katonda. Musa yali anyweredde ku kyenkomeredde kye, ekiragiro ekyamuweebwa, n'ayimirira butengerera. Era bwe yakikola, omusota gwe ne gumira emisota giri emirala. Mulaba? Yali anyweredde ku kyenkomeredde.

Katonda Yayogera nti, "Bw'onoonunula abaana abo, mujja kunsinza nate ku lusozi luno."

43 Kaakati, omulabe, mu buli ngeri gy'asobola, ajja kugezaako okukuggyga ku kyenkomeredde ekyo. Mangu ddala nga baakava e Misiri, baakwatibwa mu kasonda ke- k'Ennyanja Emmyufu, ensozi nga ziri erudda n'erudda. Olwayita mu kiwonvu awo, nga bali butoola n'Ennyanja Emmyufu . Nga tewali ngeri yaakutolokera mu nsozi, tewali ngeri yaakutolokera erudda eno, nga n'eggye Iya Falaawo nga lijja erudda eri. Nga mbeera nkalubo okubeeramu!

Mulaba Setaani bw'akuteeka mu mbeera nga tomanyi kyakukola? Naye jjukira, bw'obeera nga onyweredde ku kyenkomeredde ekyo, ekyo kimala.

Musa yali amanyi nti Katonda yamusuubiza, nti, "Mujja kunsiniza ku lusozi luno bw'onaabafulunya. Era nzise wansi, nga nkozesha omukono gwo okubanunula era mbateeke mu nsi eyo endala." Yasigala butereevu nakyo. Era Katonda yasindika empewo ey'ebuvanjuba n'esiikuula amazzi okuva ku ntobo y'ennyanja, ne batambula ku lukalu. Ekyenkomeredde!

44 Nga tuyinza okuyita mu Byawandiikiba: Danyeri, ekyenkomeredde kye; Saddulaaki Mesaki ne Abuduneego, ekyenkomeredde kyabwe; Dawudi, ekyenkomeredde kye; bona, ekyenkomeredde.

Pawulo yakirina, naye, Oyo gwe tusomako. Yalina okuyitibwa okwali kwetoololedde ku Kristo, era ekyo kye kyali ekyenkomeredde kye. Eyo y'ensonga Iwaki teyatya Agulipa kye yali agenda okumugamba. Ng'ayimiridde awo, ate Agulipa yali Muyudaaya, nga bwe tumanyi. Kale bwe yayimirira mu maaso ga bakabaka bano ne byonna, Katonda yali yamaze dda okumugamba nti wa kuyimirira awo. bwatyo n'aba n'ekyenkomeredde, era n'ayogerera ddala ng'okwolesebwa kw'Eggulu bwe kwali. Yayogera nti, "Siri ... Saakiweebuula. Nnali... Saakiraba mu bukyamu. Seeyisa bubi." Naye yeenywereza ku kyo, n'atakitenguwa. Yakikolera ddala, nga bwe kyalina okuba, kubanga kyali kyenkomeredde. Era obulamu bwonna obwetoololedde ku Kristo, ekyo kye kyenkomeredde kyo.

45 Kaakati, okuva ng'Amusisinkanye maaso ku maaso, ku luguudo oludda e Damasiko, ekyo kyali kikulu nnyo eri Pawulo.

Kaakati, jjukira nti, yali muyivu, nga byonna tebinnabaawo. Yali musajja wa maanyi mu Byawandiikiba. Naye teyalina mpagi yonna kwe yeesibidde wabula Olukiiko olukulira ekkanisa olwamuwigiranga, ne-ne dipulooma okuva eri o-o-omusomesa omu ow'amaanyi. Yali musajja w'amaanyi mu mulimu gwe. Naye yali alindirira. Ekintu kyokka kye yalina, ekyenkomeredde kye kyali kkanisa ye we yakomanga, Yeeyo engeri gye yeeyongera okufuna amaanyi. Era yakolanga n'obwesimbu eri ekyo, nga atwala Abakristaayo, n'abasiba, n'okubacankalanya, n'akuba ne Suteefano amayinja.

46 Ndowooza, oluvannyuma ennyo mu bulamu bwe, ensonga Iwaki yagenda e Yerusaalemi. Nnabbi bwe yamugamba nti, "Toyambukayo eyo, Pawulo, kuba enjegere n'ekkomera bikulinze."

Pawulo n'agamba nti, "Nkimanyi. Naye sigenda Yerusaalemi ng'omujulizi kyokka. Naye, njendayo, ndi mwetegefu okufa ku Iwa Yesu Kristo." Kubanga yali manyi kye yali akoze, era ekigendererwa kye kyali kuteeka nvumbo ku bujulizi bwe n'omusaayi gwe ye, okufa ng'omujulizi, kubanga yali yatta omu ku bajulizi ba Katonda.

Kati wano yali ku luguudo oludda e Damasiko, n'obuyigirize bwe bwonna. Yali yatuula wansi w'omuyigiriza oyo ow'amaanyi, Gamalyeri, n'okuba nti yali yayigirizibwa mu ddiini yonna ey'Ekiyudaaya. Naye ate, wadde yalina ebyo byonna, yali munafu, nga tasobola na kukola ebintu ebimu. Era awo Ekitangaala eky'embagirawo kyajja, n'okuwuluguma, oboolyawo, n'okubwatuka. N'akubibwa, n'agwa wansi ku ttaka. Era n'atunula waggulu. Ekitangaala eky'amaanyi nga kiri awo, ekyo ekyaziba amaaso ge. Kati ng'ekyo kyali kintu kya njawulo!

47 Tewali muntu mulala yalaba Kitangaala ekyo, wabula Sawulo. Kyali kya kusuubiza, ekyannamaddala gy'ali, okutuusa bwe kyamuziba amaaso. Yali tayinza kulaba. Nga muzibe ddala, nga Empagi y'Omuliyo eyo Emumulisizza butereevu mu maaso. N'awulira Eddoboozi nga ligamba nti, "Sawulo, Sawulo, Lwaki onjigganya?" N'ayogera nti, "Mukama, Ggwe Ani?"

N'Amuddamu nti, "Nze Yesu. Nga kizibu nnyo gy'oli okusamba ku miwunda. Golokoka kaakati, ogende e Damasiko, wajja kubaayo eyo anaakutumirwa." Awo bwe yagolokoka okuva awo...

kati waaliwo omuntu omu, nnabbi, wansi eyo mu kibuga, eyalaba mu kwolesebwa bwe yali ng'asaba, n'ajja. Ananiya n'ajja, n'ayingira ewa Sawulo. N'amuteekako emikono gye, era n'awonyezebwa okuyita mu kuwonyezebwa okw'Obwakatonda. Olwo n'agolokoka , n'abatizibwa, okuggyawo ebibi bye, n'ayita erinnya Iya Mukama. Era awo n'afuna ekyenkomeredde. Teyaddamu kubeera kye kimu oluvannyuma Iw'ekyo. Yagenda butereevu, kkanisa ku kkanisa, kifo ku kifo, ng'agezaako okuzimba ekyo kye yali agezezzaako okuyuzaayuza.

48 Nga eggwanga, nga ensi y'Obukristaayo, enkyo ya leero, bwe yeetaaga ekyenkomeredde ng'ekyo. Abo okuyita mu...?... ebiyiye n'obulombolombo, bagezezzaako, wamu n'enjigiriza z'abantu, okumalamu ensa mu Kigambo kya Katonda ekirina okuba kye kimu jjo, leero, n'emirembe gyonna. Beetaaga ekyenkomeredde, obumanyirivu bw'okusisinkana, ku luguudo oludda e Damasiko, Katonda omulamu Oyo Awonya endwadde, n'Azuukiza n'abafu, n'Agoba emizimu. Eky'enkomeredde ekyannamaddala!

Pawulo yali amanyi nti waliwo ekyali kibaddewo. Tewali yali ayinza kukimuggyako. Tewali kintu kirala kyonna kyalina makulu. Yali asibiddwa, era nga kye ekyo. Si nsonga oba kiki ekyajja, yali amanyi nti asibiddwa, Obulamu obwetolooledde ku Kristo. Oh! Obulamu bwe yali yatambuliramu bwali bwa njawulo.

49 Kati, mujukire, emabega yaliko omusajja omunnaddiini. Era eri abamu ku mmwe abantu amakya ga leero. Era nkimanyi nga bwe mukizudde nti olutambi luno lukwatibwa, era lujja kuzannya mu buli ggwanga wansi w'eggulu, okugenda, okwetoloola ensi, era n'abamu ku mmwe abantu abali wano kakaati. Era n'abamu ku mmwe, eyo entambi gye ziggya okuzannyibwa mu mawanga amalala, okuyita mu muvvuunuzi, nga ziweebwa amawanga agali mu Africa, eyo mu ba Hottentots, era-era n'okwetoloola.

Era n'eri mmwe abakulembeze b'amaddiini abaafuna obufunyi obuyigirize ku Bayibuli, mwabufunira mu ttuluba lya byafaayo, era nga musobola okunnyonnyola ebintu bino byonna. Naye, bw'oba nga tonnafuna kyenkomeredde, nga tofunanga bumanyirivu obwo! Era singa obumanyirivu obwo, bwo- bw'ogamba nti obulina, bukuleetera okugaana nti buli Kigambo kya Kino si kituufu eri ekkanisa olwaleero nga bwe Kyali edda; era nga weesiga diguli yo eya Bachelor of Art, oba kyonna ky'oynza okuba nakyo! Bw'oba nga weesiga birowoozo eby'ekibiina kyo abayinza okugamba nti, "Ennaku z'ebiyamagero zaayita. Era tetulina kuwonyezebwa kwa Bwakatonda. Era n'okubatizibwa kw'Omwoyo Omutukuvu nga bwe baamufuna ku Lunaku Iwa Pentekoote, si kya bantu olwaleero!" Bwe kibeera nga ky'ekyo kyokka ky'olina, muganda wange omwagalwa, mwannyinaze, weetaaga obumanyirivu bw'okuluguudo Iw'e Damasiko.

Weetaaga okusisinkana Katonda Ono omulamu, wonoobeera nti, si kirowoozo eky'olufumo mu ndowooza yo, si kukankana okumu, oba okukyamuukirira okumu, naye nga olina okuyigirizibwa era obumanyirivu obw'ekituufu, ekyannamaddala.

50 Yesu y'Omoo oyo Eyatambulira e Galiraaya nga Mulamu olwa leero, ate nga mulamu emirembe gyonna. Era nga Y'omoo jjo, leero n'emirembe gyonna. Ekyenkomeredde, nga tolina kutwala omuntu yenna ky'ayogedde. Nga okimanyi ku lulwo ggwe, si kukyamuukirira okumu.

Era okukyamuukirira kwe wafuna, era omuntu omu, kwandiba nga kwali kukyamuukirira okwa Baibuli, era nga omuntu omu yagezaako okukinnyonnyola akikuggyeko, ng'agamba nti ebintu ebyo byali mu lunaku lulala. Weegendereze. Kituufu. Weegendereze. Naye waliwo engeri ey'okumanya. Kigezese n'Ekgambo. Eyo ye pulaani.

Singa ennyumba ezimbibwa nga tekwatagana na pulaani, omuzimbi waayo ajja kuwalirizibwa okugimenya addemu agizimbe nate. Kubanga erina kutambulira ku pulaani.

51 Si nsonga obumanyirivu bwo buli butya, era, ekintu bwe kibeera mu ggwe nga kikugamba nti Bayibuli si ntuuufu, amaanyi ga Katonda ago, abatume, bannabbi, n'abasomesa, n'abasumba n'ebirabo by'Omwoyo Omutukuvu nti si bye bimu nga bwe byakulukutira mu batume ku Pentekoote, waliwo ekikyamu n'ekyenkomeredde kyo. Nga kirina kusibibwa ku kiyiiye ky'ekibiina ky'eddiini mu kifo kya Baibuli ya Katonda. Ng'ate, Yagamba nti, "Eggulu n'ensi byonna bijja kuggwaawo, naye Ekgambo Kyange

tekiriremererwa." Genderera ekyenkomeredde kyo kye ki.

Oyinza okubeera omukakafu ddala nti oli mu kussa ekimu okulungi n'omusumba. Era nga oli mukakafu ddala nti oli mu kussa ekimu n'omukadde awala disitulikiti. Era oyinza okubeera omukakafu ddala nti oli mu kussa ekimu n'omulabirizi oba omusajja omulala ow'amaanyi mu kkanisa yo. Naye bw'obeera nga toli... Eky'enkomeredde kyo nga si ye Yesu Kristo.

"Kubanga ku Lwazi luno Ndizimbako ekyenkomeredde Kyange, era n'emiryango gya ggeyeena tegirikiyinza." Okubikkulirwa okw'Omwoyo okw'ekyo ky'Ali, era n'okumanya! Kale.

52 Oh! Kaakati, bw'obeera nga Pawulo, ng'olina ekyenkomeredde kye kimu kye yalina, obulamu obwetoolooledde ku Kristo buba bwa njawulo ku obwo olumu bwe walina . Era oyinza n'okuba nga wali otambulira mu bulamu obususse okuba obw'ekinnaddiini.

Oh, mpulidde abantu nga bagamba nti, "Kati, bo bannaddiini nnyo." Ekyo tekirina bwe kikwatagana na Kino n'akatono.

Ndabye amadiini mangi, abafaayo ennyo, ebiseera bingi nga beesimbu n'okusinga Abakristaayo ba leero abamu bwe bakyatula.

53 Maama bw'aba asobola okutwala omwana we omuto, omunene, omuddugavu,nga muwanvu *bwati*, n'amusuula mu kamwa ka ggoonya, olw'okwagala kwa katonda we. Oba olwo nno Obukristaayo buba bwesimbu kwenkana wa. Omusajja, bw'aba ng'asobola okwerumya mu ngeri nti, yefumita n'amalobo nga lukumi okuyita mu mubiri gwe, *bw'atyo*, nga galiko n'amatondo g'amazzi, era nga gamuwaniridde *bw'ati*, n'atambulira ku nnimi z'omuliro, okuva nga wano okutuuka ku nkomerero y'ekkuunjaaniro lino, nga agenda era n'akomawo, ate nga amanda ago gookya nga galiko n'evvu, era nga bagawujjawujja bwe *batyo* ebyo byonna nga biri Iwa kuwaayo saddaaka eri katonda we, ekyole ekyasibwamu amaaso ga luulu wamu n'ebirala. Oba kati awo Obukristaayo bwo buli ludda wa. Uh-huh. Uh-huh. Kale temulowooze mu "bwesimbu." Obwesimbu si kye Kyo. Obwesimbu birungi bwe buba nga buteekeddwa ku kintu ekituufu.

54 Ng'omusawo awa eddagala. Ayinza okukuwa obutwa, nga mwesimbu, era ayinza okukuwa asidi, mu bwesimbu. Oyinza okuba nga endagiriro y'okumira eddagala ewandiikkidwa mu bukyamu, ate n'olimira mu bwesimbu, naye ekyo tekiwonya bulamu bwo. Mulaba? Nedda, ssebo! Olina okumanya kiki ky'okola. Era ekintu kyonna ekikontana n'Ekgambo kya Katonda, Sifaayo kiri ki, era kibaddewo kumala bbanga ki, kisigala kikyamu.

55 Peetero yabawandiikira eddagala ery'olubeerera ku lunaku Iwa Pentekoote. Yagamba nti, "Mwenenye, buli omu kummwe, mubatizibwe mu Linnya lya Yesu Kristo olw'okuggyibwako ebibi byammwe, era munaaweebwa ekirabo eky'Omwoyo Omutukuvu. Eddagala lino lye mbalambidde lyammwe, n'eri abaana bammwe, n'abo bona abali ewala, ne bona Mukama Katonda waffe b'Aliyita." Ekyo kituufu. Okulambira kw'eddagala ery'olubeerera.

Kaakati, omusawo ow'ekikwangala ayinza okufuna ekyo n'akutta. Mazima ddala. Mukimanyi, waliwo obutwa bungi mu kulambira okwo, okutta akawuka, era omusawo akimanyi kyenkana ki, omubiri gwo kye guyinza okugumira. Bw'akuwa obutwa obussukiridde, kyandikutta. Ate bw'oba nga tolina bumala, awo kiki kye buyinza okukola? kiba tekikuyambye okumira eddagala eryo. Amanyi ekyo omubiri gwo kye guyinza okugumira we kyenkana .

Kaakati, eyo y'engeri endagiriro ya Katonda gy'erimu. Si nsonga omuntu omulala ne bw'agamba nti kirina kukolebwa mu ngeri *eno*, oba mu ngeri *eri*, tokikkiriza. Bw'ogoberera obulungi Ekgambo, oba mutuufu. Weenywereze ku kyo..

56 Kaakati, tulina e... abo abagamba nti, "Oteekeddwa okumansirwako amazzi." Balina ebyo. Mbu, "Oteekeddwa okukoza ebitiibwa bya Kitaffe, Mwana n'Omwoyo Omutukuvu." Tewaliwi bintu bwe bityo mu Baibuli. Tekiriimu wonna omuntu yenna bwe yali abatiziddwa bw'atyo, mu Baibuli, mu engeri endala yonna ng'oggyeko Erinnya lya Yesu Kristo. Ekyo kye kigunje ekyagattibwa mu kkanisa enkatulika ey'Abaruumi, ekizze nga kikkirizibwa okuyita mu bulombolombo . Tujja kukikoonako ekyo ekiro.

57 Naye weetegereze, mu masekkati g'ebyo byonna, endagiriro esigalawo. Y'ensonga Iwaki tulina abaana abalwadde bangi, kubanga tebawuliriza kiki Dokita kye yagamba. Ekyenkomeredde, bwe weesiba ku ekyo, oba mutuufu. Ky'ekyo Ekgambo kya Katonda. Tekiremererwa.

Obulamu obwetoolooledde ku Kristo, nga bwa ddiini, naye bwali tebwetoolooledde ku Kristo. Bangi ku ffe tulina ekyo olwa leero.

Era bw'ofuna obulamu buno obwetoolooledde ku Kristo, bukuleetera okukola ebintu by'otandikoze bulijjo. Bukuleetera okweyisa mu ngeri eyenjawulo ku eyo gye wandyeeyisizzaamu bulijjo. Sitegeesa kweyisa mu ngeri ya kissiru. Ntegeesa okutambulira mu Mwoyo, ekintu ekituufu, ekintu ekyannamaddala. Era bw'olaba omuntu eyeeyisa mu ngeri ey'ekissiru, omanya nti yeefuala bweefuuzi. Bagezaako

kugeegeenya ekyannamaddala ekiri awantu awamu. Era bw'olaba ddoola ey'ekikyupuli, jjukira nti waliwo ddoola entuufu kwe baagikoppye okugikola. Mulaba? Bw'olaba ekikyupuli, ddala kibeera kisiikirize ky'ekintu ekyannamaddala. Ekintu e-ekyannamaddala. kye baba bakoppyeeko.

58 Weetegereze, kikuleetera okukola ebintu by'otandikoze mu bulamu obwa bulijjo. Oh, kintu ky'olinamu obukakafu. Ky'okakasiza ddala, ng'ofunye ekyenkomeredde kino. Obeera okikkiriza. Totwala bumanyirivu bwa muntu mulala.

Y'ensonga Iwaki Obukristaayo bufuuse ng'abaana abato mu Baibuli, oba, kale nedda, munsonyiwe, abaana abato mu ssomero. Bagezaako okukoppagana. Olwo singa omuntu oyo abeera omukyamu, ekintu kyonna ng'olwo kibeera kikyamu. Mulaba? Ekibinja kyabwe kyonna nga kikyamu. Oh, owange! Tokoppa. Musisinkane, gwe mwennyini.

59 Mukwano gwange omulungi, ayimiridde emabega wano, mukadde... mutabani wa mukwano gwange, mukwano gwange ow'edda, Jim Poole omuto. Kale, kitaawe nange twakula wamu mu ssomero. Era, oh, nga mukwano mulungi! Jim omuto nange tusaba bulijjo nti Jim omukulu afuuke Omukristaayo, omukkiriza owannamaddala. Jim omuto nange twabaddle twogera eggulo ku wa gye twasanga Katonda mu bisaka ne tumulaba mu butonde. Eyo gy'Omusanga. Kubanga, Ye ye Mutonzi, era Ali mu butonde Bwe.

Era nzijkira, Jim nange twateranga okugenda- okugenda, okwagala okugenda okuyigga. Era ekiro bwe kyatuukanga, kale, twateranga okuserengeta, ne tufuna obugaali bwaffe, ne tuvugira wano ku luguudo, nga tutya okuyita ku malaalo obudde bwe bwabanga buzibye, nga tugenda ne twefunirayo ki ayisi kkulimu.

60 Era Jim yali ayagala okuzannyo omuzannyo gwa Pool. Kaakati, twali balenzi, emyaka kkumi, kkumi n'ebiri, kkumi n'ena. Era Jim yayagala okutuula awo n'asoma obutabo bw'engero ez'okuyigga n'okutega.

Era nga nnyinza okutuula awo mu kuloota kw'emisana. Mulaba? Ku... Er kaakati abamu ku balenzi bandaba. Era nnateranga okulaba akayumba awantu awamu Nga ntera okwogera mu kucamuka nti, "akayumba ako kandikoledde singa mbadde nkalina waggulu eri ku nsozi". Era nnaluubiriranga nti olunaku olumu ndyefunira akayumba akange mu nsozi, nga nnina n'embwa nnyingi, era-wamu n'emmundu zange. Era nateranga okulowooza nti, "Singa nange, mu bulamu bwange, mbaako n'emundu eyitiba 30-30." Nga ndowooza muli nti, "Kirisoboka kitya nange okwefunira emmundu eyitiba 30-30?"

Kale ate jjuuzi, nga nyimiridde, nga ntunuulidde ekisenge kyange, nnalaba nga kuliko ezimu ku mmundu ezisingayo obulungi omuntu z'asobola okufuna, Ne ndowooza nti, "Ekisa ekyewuunyisa."

Nnalowoozanga nti, "Nja kweyigiriza okulasa, era okulasa obulungi. Era awo, oboolyawo ekiseera ekimu nfune omukisa, okugenda mu nsozi, ng'omuyizzi omu omulungi ajja kuntwala. Okubeera...kuba, ajja kwagala okukuuma obulamu bwe, oboolyawo, okuva eri eddubu nga limulumbye. Oyo ateeakasa bulungi. Omusajja nga omugagga, eyandintutte, okukumuwerekerako, oba ng'omukuumi we. Oboolyawo olunaku olumu nga nja kugenda okuyigga eyo mu Africa, ng'omukuumi. Singa nsobola okwetendeka! Kye kyokka ekyo ky'ennyinza okukola kwe kwetendeka okubeera oyo alasa obulungi, mutasubwa."

Oh, ne ndowooza nti, "Ai Katonda, okukirowoozaako, engeri gy'Onsobozesezza okuyiga mu bifo eby'enjawulo bingi mu nsi." Nga kintu kisuffu! Jim yateranga okutuula n'asoma akatabo. Ne mugamba nti, "Jim..." N'anjambala nti, "Nja-njagala okukisomako."

Ne mugamba nti, "Jim, ky'ekyo ekintu omuntu omulala kye yakola. Njagala okukyeekolera nze. Njagala okukyeyitiramu nze kennyini. Bwe nnajja eri Kristo nnali sisobola kutwala bumanyirivu bwa muntu mulala. Nnakyagala, nze kennyini.

61 Nzijkira bwe nnasoma akatabo akayitiba *Lone Star Ranger* akawandiikibwa Zane Grey. Nnasensebulu enjeyo za maama bbiri oba ssatu, nga nzannya nziruka nneetooloola ennyumba nga nneebagadde olwego olwalina omutwe ogufaanana ogw'embalaasi. Nnali-nnasoma ebikwata ku *Lone Star Ranger*, engeri gye yaleetamu obwenkanya mu kifo ekyo ekya Big Bend.

Ate ne nsoma ku bya Edgar Rice Burrough bye yayiya nga ayogera ku *Tarzan*, wamu n'enkobe. Maama yalina ekiziina ky'ebuya ekikadde, nga kyava ku ddiba ly'akasolo ak'omunyanja ennene ke bayita seal, bwe kityo, nga Mukyala Wathen ye yali yakimuwa okuva kumpi n'omuliro. Era kyali mu kisenge kye, ekiziina ne nkiggyayo. Maama yamanya nti empewo si ye yakifuuwa. Ne nkiggyayo, ne nkisalasala, ne nneekoleramu essuuti ya Tarzan ne ntuula waggulu mu muti. Ne mmala ekitundu ky'obudde bwange mu lunaku mu muti, mu ssuuti eno eya Tarzan. Kubanga nnali ndabye kye yakola, nnali njagala nange nkikole.

Naye olunaku lumu, olw'ekisa kya Katonda, nnakwata ku Kitabo ekyannamaddala, Baibuli. Oluyimba lwange n'emboozibibaddenga nti, "Okufaanana Yesu, ku nsi njagala mmufaanane Ye," Saagala kubeara bisopu oba-oba omuntu omu ow'amaanyi mu kkanisa, papa omu oba kabona omu. Njagala okufaanana nga Yesu.

62 Ekyenkomeredde, kikufuula ow'enjawulo. Waliwo ekikiriko, okusoma Ekigambo Kye, n'ekintu ekimu mu mutima gwo nga oyaayaana okubeera nga Ye. Oli mukakafu.

Kiringa, ekyenkomeredde eri Kristo, ekyenkomeredde eri Omukrisitaayo, kiri nga e... Kyo, kiringa ennanga mu mmeeri. Yee. Ggwe, ggwe olina okubeera n'ekyenkomeredde. Era Kristo bw'abeera nga Kye ekyenkomeredde kyo, kiringa ennanga. Nti, bw'obeera nga... Nga ennyanja esiikuuse, era nga emmeeri enaatera okubbira, era, gwe, essuubi lyokka ly'olina, kwekusuala ennanga. Era emmeeri bw'ebeera nga esuukundibwa, olaba oba ennanga eneekwata emmeeri. Omanyi, tulina oluyimba, Nneerabidde erinnya ly'omuwandiisi waalwo kati, naye, *Ennanga Yange Enywezeza*.

63 Kiri nga omulenzi omuto, gwe tubadde tulowoozaako ebiseera ebingi, ali mu kubuusa kayiti. Nga tolaba kintu kyonna, naye nga alina akaguwa. Era omusajja yayitawo n'amubuuza nti, "Okola kiki, mutabani?" N'agamba nti, "Mbuusa kayiti yange." N'amugamba nti, "Kiki ky'olina mu mikono gyo?" N'addamu nti, "Luwazi."

N'amubuuza nti "Kayiti eri wa? Nga amugamba nti, "Sigiraba. Kale, omanyi otya nti obuusa kayiti?"

N'addamu nti, "Ngiwulira. yeesika." Mulaba? Ku nkomerero y'akaguwa, waaliyo ekyenkomeredde. Mu buto bwe, kayiti eyo kye kyali ekyenkomeredde kye, n'olwekyo yasobola okugamba nti yali abuusa kayiti. Wadde yali tagiraba, naye yali agikutte, ekintu, kye yali yeekutteko.

Yeeyo engeri omuntu, bw'azaalibwa omulundi omulundi ogw'okubiri n'Omwoyo Omutukuvu, abeera alina kye yeekutteko ekirina ennanga waggulu eyo, era omuyaga tegumuyuuya. Akimanyi nti ali bulungi. Asudde ennanga. Kale.

64 Kaakati, bwe tubeera mu lyato lyaffe ettono nga tuseyeeya mu kkubo ery'obulamu buno obw'ennaku, nga omuyimbi bwe yagamba nti.

Obulamu si kirooto ekikal! Era emmeeme ebongoota efudde, Ebintu tebiri ekyo kye birabika. Obulamu bwannamaddala! Era obulamu bukakafu! N'entaana yaabwo si kye kiuubirirwa kyaabwo; Oli nfuufu gwe, era odda mu nfuufu, Tekyayogerwa eri mmeeme.

Oh, ndowooza ekyo kirungi nnyo! Kaakati, Longfellow ye yakiwandiika ekyo, *Zabbuli y'Obulamu*. Mulaba? Nga tutambulira mu lugendo Iw'obulamu, Ku Iw'owoluganda alekeredda era afiiriddwa ebingi. Mu kulaba, ajia kuguma nate. Mulaba?

65 Kaakati tutandise okuseyeeya mu bulamu buno obutali bwa kusaagiramu, ne Kristo, mu mmeeri mu miyaga g'omubiseera. Emiyaga bwe ginaabeera emingi, nga gisuukunda, ndi musanyufu nti nnina ennanga ekutte mu buziba waggulu eyo, awantu awamu. N'okufa kwennyini tekuyinza kukuggya ku yo. Osibiddwa ku kyenkomeredde kyo. Kristo y'ennanga yaffe. Kiki ky'Ali? Ye kye Kigambo. "Ku luberyeberye waaliwo Kigambo, Kigambo n'aba awali Katonda, era Kigambo yali Katonda. Kigambo n'Ayambala omubiri, n'atuulako gye tuli."

66 Awo, bwe tumanya nti ebikolwa byaffe bikwataganira ddala bulungi n'Ekigambo, nga tumanyi nti okuyigiriza kwaffe kutuukiridde okusinziira ku Kigambo, nga tetugattako oba okutoolako ekintu kyonna, nga Kigambo kyokka. Era nga tulaba ebivaamu bye bimu, nga abalala abasuula ennanga ku Kigambo kye kimu, nga biri mu bulamu bwaffe, awo ennanga yo enywera. Obulamu bwa Kristo okubeera nga bulagibwa mu mubiri gw'omuntu, okuyita mu ggwe, nga bwe kyali mu Kristo, kubanga, "Yali Katonda mu Kristo, nga atabaganya ensi gy'Ali ye Mweene." Era olaba Katonda mu gwe wennyini, ng'okutte ku kasongezo k'eryato ako keekamu ku Kigambo, mu ngeri yennyini ddala nga Yesu bwe yakola. Nga mulaba obulamu Bwe. "Emirimu gye nkola nammwe mujja kugikola, oyo akkiriza." Si oyo eyefuula omukkiriza, oyo alowooza nti akkiriza, naye, "Oyo akkiriza." Oyo akkiriza Nze, emirimu gye nkola ajja kugikola naye." Lwaki? Anyweredde ku Lwazi Iwe lumu. Olwazi Iwali kiki? Ekigambo, bulijjo. Ennanga yo nga ogisudde omwo.

67 Y'emmunyeenyeye yo ey'omu mambuka ng'obulidde ku nnyanja.

Omanyi, tulina emmunyeenyeye nnyingi, naye waliwo emmunyeenyeye emu eyannamaddala, eyo etetambula. Eyo y'emmunyeenyeye ey'omu mambuka, kuba etuula mu masekkati ga nsi. Si nsonga oli mabega, mambuka, oba wonna w'obeera, emmunyeenyeye eyo ey'omu mambuka esigala nga ye yo. Y'emmunyeenyeye yo ey'omu mambuka. Kaakati, olaba, waliwo emmunyeenyeye nnyingi ezisenguka okuva mu kifo ekimu okudda mu kifo ekirala. Naye bw'obeera nga oli mu...ku nnyanja, kale, omulunyanja yenna akimanyi, oba oba omuyizzi yenna oyo eyeetalira mu bibira, akimanyi nti emmunyeenyeye yo ey'omu mambuka kye ki- kye kifo kyo. Ky'ekyo. Awo, Kiri nga e-e-endagirirabifo yo. Endagirirabifo yo tejja kusonga ku Mars, oba Jupiter, oba awantu awalala. Ejja kusonga ku mmunyeenyeye ey'omu bukiika obwa kkono. Lwaki? Ekyo kye kyenkomeredde kyo.

68 Oh, owange! Weetegereze, ekyenkomeredde kyo! Oh, njenda kubaako kye njogera! Nkiwulira nga kijja. Weetegereze. Mpulira ndi mukyamufu nnyo mu kiseera kino, kubanga buno bukakafu. Weetegereze.

Endagirirabifo yo esobola kusonga ku mmunyeenyeye y'omu mambuka kyokka. Kye kifo wokka w'esobola okusonga. Bw'ebeera nga ndagirirabifo ya nnamaddala, ejja kusonga ku mmunyeenyeye y'omu mambuka buli kiseera. Kituufu ekayo? [Ekibiina kigamba nti, "Amiina." -Omuk.]

N'olwekyo, bw'obeera olina Omwoyo Omutukuvu, Ajja kusonga ku Kigambo kyokka. Talisonga ku kibiina kya madiini. Talisonga ku kiyiiye. Talisonga walala. Ajja kusonga butereevu ku Kigambo. Mpulira njagala kuleekaana. Weetegereze, kye-ky'Ekiintu ekiri munda w'omuntu, nga kikuba etunnunsi, bw'olaba Emmunyeenyeye yo nga eri waggulu eyo, Yesu Kristo, Ekigambo. Nga ate olaba Omwoyo oyo ali mu ggwe tajja kukiganya kudda ku ddyo oba ku kkono. Oyo ye yekka asobola. Yajja okutwala ebintu bya Katonda, okubilaga, okubyolesa.

Era Yesu yagamba nti, "Ajja kukoleta ddala ebintu bye njogera. Ajja kubabikkulira ebigenda okujja," abalage ebiri mu maaso, nga tebinnatuuka wano. Mulaba? "Ajja kutwala ebyo Ebyange era abibalage, era awo Ajja kubalaga ebintu ebigenda okujja." Yokaana 15.

69 Tulaba nti Alaga ebintu. Era Atwala ebintu ebya Katonda era ajja kubibalaga. Era Ajja kubabikkulira ebyo Yesu bye yayogera. Okukyogerako mu ngeri endala, Ajja kutangaaza ensonga eyo. Ekyo mukiteeke mu kasonda, ekiro kya leero, kuba ekyo kye tugenda okukozesa, okumala akaseera. Nga tukakasa, nga ekyo tukikikakasa okuba ekituufu olaba, olwo muba mumanyi. Bwe muba... Emmunyeenyeye yo ey'omu mambuka, nga ky'Ekigambo, eri Omukrisitaayo yenna.

Ekintu kyonna ekikontana n'Ekigambo! Tunula. Leka mbeeko kye mbagamba. Kino mukiwulirize bulungi. *Kuno* kwe Kubikkulirwa okw'Obwakatonda, okujjuvu, okwagala Kwe, era n'Okujja kwa Kristo. Era buli kintu kiri mu Kitabo kino, nga kiwedde. [Ow'oluganda Branham akuba ku Baibuli ye -Omuk.] Era ekintu kyonna bwe kikuja ku Ekyo, eyo endagirirabifo gisuule eri, kubanga kiyiiye buyiiye. Kibiina bubiina... Kipapula bupapula ekyo kye weetisse mu nsawo yo, nga kiri mu kisenge kyo, nga kiwanikiddwa mu kisenge kyo, mu ffuleemu. Kiyiiye. Olwo, zuula endagirirabifo ekutereeza ku Kigambo. Amiina.

70 Mukiraba nti, embeera eno bwe yatuuka ku Pawulo, yaserengeta e Misiri ne mu Buwalabu, awantu awamu, n'asoma okumala emyaka esatu. Ekitiibwa! Whew! Yalina okukikakasa. Era bwe yalaba, nga Omwoyo Omutukuvu amulagirira, kigambo ku kigambo, yasobola okuwandiika Ekitabo ekyo eky'Abaebbulaniya n'alaga Abayudaaya abo. Mazima ddala. Lwaki? Yali ateredde. Endagirirabifo eyo ey'Omyoyo Omutukuvu yamuteeka butereevu ku Mmunyeenyeye ey'omu bukiika obwa kkono.

Kaakati, bw'oba olina ekintu ekikusika okukuggya ku kyo, kisingako okukileka. Omwana, Kijja kusonga ku Kigambo Kye, era ku Kigambo Kye kyokka, kubanga Omwoyo Omutukuvu yajja okulabisa, n'okukakasa, ebisuubizo bya Katonda. Tewaliwo kiyiiye kijja kukikola ekyo. Tewali kibiina kijja kukikola. Tewali maanyi oba ekintu kyonna ekisobola okikola. Omwoyo Omutukuvu Yekka, okuyita mu Kigambo. Era Ye ye kawulungwa k'Obulamu.

71 Kaakati, funa empeke y'enjano, empeke y'enjano ennungi, naye terina ky'eyinza kukola. Ebeera nfu okutuusa nga akawulungwa k'obulamu kagiyingiddemu. Awo n'eryoka ezaala empeke ennyingi ez'enjano.

Era Kristo ye Bulamu obwo, Ekyenkomeredde. Singa enjano ebeera terina kyankomeredde ekyo mu yo, terizuukira. Singa enjano eyo ebeera terina kya nkomeredde ekyo, oboolyawo nga nnungi nnyo wabweru, tesobola kubeera nnamu, kubanga mu yo temuli kiyinza kugibeezaawo nga nnamu. Naye bw'efuna ekyenkomeredde ekyo, ebeera esobola okutunula mu maaso g'abakolokosi bona, n'egamba nti, "Nja kuzuukira nate." Lwaki? Kubanga erina eky'enkomeredde. Kiri mu yo. Erina okuzuukira nate.

72 Era bwe..."Bwe mubeera mu Nze, ne Bigambo Byange ne bibeera mu mmwe, awo musabe kye mwagala." Ky'ekyo ekyenkomeredde.

Naye bw'obeera ng'olina biyiiye na buli kimu ekirala nga kisibiddwa mu Kyo; toyinza kutabula mafuta na mazzi. Oyinza okugatwala n'ogasaabulula nga bw'oyagala, tebiryetabula, kubanga ebyo birungo bya mirundi ebiri egyenjawulo. Era bw'otyo tosobola kuleetera biyiiye na Baibuli, ebikontana ne Baibuli, okwetabula. Tosobola kuleetera kibiina kya ddiini wamu n'eddiini mw'ozaalibwa ng'oli wa ddembe, manyanga obulokozi mw'ozaalibwa ng'oli wa ddembe, okwetabula. Kuba, mu butuufu, Katonda akolagana na...

Njenda kukyogera, mu buli ngeri.

Katonda tamenyangako Pulogulaamu Ye. Tasobola kugimenza, kubanga Ye taliiko kkomo. Era nkizudde, nga bwe mumanyi, nze, kyolekeddwa eri abantu bangi. Mulaba? Naye Katonda tasobola kumenya Pulogulaamu Ye. Tasobola kubaako ky'Akola olunaku olumu, n'akikyusa, n'Akola ekintu, ng'Agamba nti luli kyali kikyamu.

73 Katonda takolagana na bibinja bya bantu. Katonda akolagana na ssekinnoomu, kubanga abantu balina endowooza za njawulo. Yakolebwa mu ngeri ya njawulo mu butonde. Katonda alina okutwala omusajja oyo, n'amudobonkanya, n'amusikambula, okumuggya ku kubeera ku bubwe ye, okutuusa

bw'Amutuusa mu kikula Kye. Mulaba? Awo Katonda n'alyoka akolagana n'omuntu oyo. Tunula okuyita mu mirembe, Nuuwa ne Musa, bannabbi, tebabbeerangawo babiri mu kiseera kye kimu. Yabanga omu, bulijjo, okuyita mu mulembe. N'olwekyo, bw'ogamba nti, "Mu nkuyanja y'amagezi mwe muli obukuumi."

74 Mulabe, nga bwe nnabuulira wano bbanga si ddene eriyise, wano mu kkunjaaniro. Waaliwo Akabu, era waaliwo Yekosofaati. Era baali bagenda mu Lamosugireyaadi, okusindiikiriza. Ddala ddala, baali batuufu, ensi yali yaabwe. Ne-n'omulabe, Abasuuli nga bali eyo, baali bajjuza embuto z'abaana baabwe n'enjano eyandibadde ey'abayisraeri, Ekintu ekyabaweebwa Katonda, bwe kityo, ddala, kyafaanana okubeera ekirungi. "Genda nange, twambukeyo eyo, tubagobe okubaggya mu nsi." Kale, ekyo kiwulikika nga ekirungi. Ddala ddala, kyali kituufu, naye obukwakkulizo bwakyo.

Yekosofaati, olw'okubeera omusajja omulungi, yagamba nti, "Naye tetuteekeddwa kwebuuza ku Mukama?"

Era ddala, Akabu, oyo eyali yaddirira, ky'ava agamba nti, "Wewaawo, ddala." Omukkiriza nnampawengwa, nga bwe mumanyi. N'agamba nti, "Oh, mazima ddala, Nnandibadde ekyo nnakirowoozezzaako. Nnina bannabbi Abaebbulaniya ebikumi bina. Bikumi bina byonna, Mbaliisa, mbalabirira. Be basinga obulungi wano mu ggwanga. Tujja kubaleeta."

Era bona wamu, nga bali bumu, baayogera nti, "Yambuka. Mukama ali naawe," Ddala ddala, baali batuufu, naye baali tebakutte ku kyankomeredde. Awo bwe yagamba nti, "Tewaliwo mulala?"

N'amugamba nti, "Yee, Waliwo omulala omu, naye mmukyawa." n'agamba nti, "Bulijjo andagulako bubi, olaba, bulijjo ayogera."

75 Yali ayinza atya okulagula obulungi, nga Ekigambo kyonna, Eriya eyamusooka yali yagamba Akabu nti, "Embwa zija kukomba omusaayi gwo"? Kaakati, oyo nnabbi wa Katonda akakasiddwa yali ayinza atya okwogera ekintu kyonna nga si kwagala kwa Katonda? Era n'okuba, nti, "Embwa zaali za kulya Yezebeeri, era nti obusa bwali bwa kubeera mu nnimiro ezo, kiryoke kibaleme okwogera nti, 'Wuuno Yezebeeri agalamidde wano.'" N'ekikolimo bwe kityo ku muntu, omuntu omulala yali ayinza atya okuwa omukisa?

Bwe kityo bwe kiri n'olwa leero. Omuntu ayinza atya okuwa omukisa ebintu bino ebireeta abantu okweyongerayo ewala mu kuva ku Katonda ekiseera kyonna? Waliwo ekintu kimu kyokka eky'okukola, bw'obeera nga olina okuyimirira ku lulwo; ekintu kikolimire, mu Linnya lya Mukama, era sigala n'ekyo, bw'obeera nga weekakasa. Ogamba nti, "Kale, Ow'oluganda Branham, oleetera abantu okukukyawa."

Katonda Ajja kunjagala. Ekyo kye kyankomeredde kyange. Tosobola kuwummulira ku maanyi ga muntu. Olina kuwummulira ku Kigambo, Katonda kye yagamba okukola.

76 Mikaaya yamanya atya nti yali mutuufu? Yalinda. Yalina okwolesewa. Bali nabo, baalina okwolesewa, naye okwolesewa okwo tekwakwatagana na Kigambo N'olwaleero, ekintu kye kimu. Mikaaya yageraageranya okwolesewa kwe n'Ekigambo awo n'alaba nga ye n'Ekigambo baali bakwatagana. Olwa leero, okwolesewa kwo bwe kubeera nga kukontana n'Ekigambo, kuleke, kuba kibeera kyankomeredde kikyamu. Ekyenkomeredde kya Mikaaya kyali bumu ddala n'Ekigambo, bw'atyo n'asobola okuyimirira n'ayogera, ye, ekyo kye yayogera, na-era n'akikkiriza.

Bwe, baamuwujja oluyi ku mumwa, ne bagamba nti, "Omwoyo wa Katonda yayise wa?

n'amuddamu nti, "Ojja kukimanya bwooneekweka mu kasenge ak'omunda." Kituufu.

Oli n'ayogera nti, "oluvannyuma nga nkomyewo mirembe... Muteeke omusajja ono mu kkomera eryomunda, era bwe nkomawo mu mirembe," Akabu nga ayogera, "Nja kumukolako ono."

Oh, kaakati, Mikaaya, kiri kitya ekyo? Omutwe gwo gujja gutemebwako bw'akomawo.

77 Mikaaya yayimirira buyimirizi awo n'atunuza ekkabyo nga Suteefano bwe yakola. Amiina. Nga mweetefuteefu nga Mukama wange bwe yagenda ku musaalaba. Mu ngeri y'emu ennyangu nga Danyeri bwe yagenda mu bunnya bw'empologoma, oba nga Saddulaaki, Mesaki, ne Abeduneego bwe baatambula okugenda mu kikoomi ky'omuliro. Ddala! Yayimirira awo n'agamba nti, "Bw'okomangawo..." Lwaki? Yali yeekakasa. "Bw'onookomawo, nga Katonda teyayogedde nange. Olwo salako omutwe gwange." Yalina ekyenkomeredde. Yamanya nti endagirirabifo ye, eyo eyamuluunjamiya okufuna okwolesewa kwe, yali ekwatanaganira ddala n'emmunyeenyre y'omu mambuka. Yee, ssebo. Ennanga ye yali nywevu, yee, Ekigambo era kyo kyokka. Singa eky'enkomeredde kyo, bw'obeera nga olina ekyenkomeredde mu bulamu bwo...

78 Waliwo ekiseera awo, omanyi, enneeyisa ezimu zaalina ekyenkomeredde. Ngezaako kujjukira linnya lya mukazi oyo, era eggwanga lyonna lyeesiganga nnyo bye yayogeranga. Nneerabidde erinnya lye. Nnabadde mpandiika akapapula wano. Nga sijjukira linnya lya mukazi oyo, kye liali. Naye wano, emyaka mitono egiyise baalina okukola, omukazi ono, kye yagamba. Bw'aba yagamba nti kozesa akambe n'omukono gwo ogwa kkono, kyali ekyo - kyalina kuba bwe kityo, ekyo kye kyali ekyenkomeredde. Ye yali

e-eky'okuddamu eri byonna. Era bwe wateekanga wuuma mu mukono gwo ogwa kkono, awo ng'oli mukyamu ddala. Erinnya lye yali ani? [Ekibina kigamba nti, Emily Post." -Omuk.] Oh, ly'elyo. Ddala. Weewaawo. Y'oyo. Kaakati, wali- wali wekakasa...Yali-yali kyankomeredde mu nneeyisa ezimu. "Nga kirina kubeera bwe kityo." Nga oh, ebantu bingi bye tusanga nga biri bityo. Naye ate, tukizuula, kati nti byayita. Lya mu ngeri gy'oyagala okulyamu. Yee, ssebo. Kale. Naye oyo yali kyankomeredde ky'enneyisa ezimu. "Ng'olina kukikola bw'otyo."

79 Waliwo ekiseera Adolf Hitler bwe yali ekyenkomeredde kya Bugirimaani, buli kye yayogeranga. Bwe yagambanga nti, "Buuka," baabukanga. N'agamba nti, "Tta," nga batta. Obukadde bw'Abayudaaya, yanyeenya bunyeenya mutwe gwe. Mulaba ekyatuukawo ku kika ky'ekyenkomeredde ng'ekyo? Kyafaanana nga amaanyi, naye nga kyali kikontana n'Ewigambo. "Omania otya nti kyali kikontana n'Ewigambo?"

Katonda yakyogera. Balamu bwe yagezaako okulengezza Israeri, okugikolimira, yagamba nti, "Mmulaba nga embogo. Eweema zo nga ntukuvu! Buli anaakukolimiranga ajja kukolimirwa. Buli anaakuwa omukisa ajja kuweebwa omukisa."

Kiri nga ne Hitler yandirabye. Kiringa abo Abakristaayo Abagirimaani kye bandirabye, mulaba, ekyenkomeredde ekyo. Nga kikontanira ddala n'Ewigambo kya Katonda. Omamyi, nga bwe kibaddenga kyoyerwa nti, "Omuntu... Katonda yakola omuntu, naye omuntu n'akola abaddu." Omu ng'agezaako okufuga omulala. Tulina Omufuzi omu, ye Katonda.

Naye Hitler yali kyankomeredde kya Bugirimaani. Mukilabe olwa leero. Kaakati, mulaba kiki ekyatuukawo? Kyali kyankomeredde kikyamu. Lwaki? Kyali kikontana n'Ewigambo. Era kaakati mulaba wa gye kyatuuka: Buswatu.

80 Era ekyenkomeredde kyo bwe kibeera nga kye kibiina, oba okukyamuukirira, oba ekintu ekirala nga oggyeko Yesu Kristo, ojja kutuuka ku kigera kye kimu eky'okuswazibwa, nga n'okussuka kisukkawo, olaba, singa Kristo si ye kyenkomeredde kyo. Eyo y'enkulungo ya buli kimu ey'obulamu bw'omuntu, era Kristo ky'Ewigambo; si kkanisa yo, kigambo kyo, wabula Ewigambo! Mulaba? "Ku kyenkomeredde kino Nja kuzimba Ekkanisa Yange," ku Kristo, Ewigambo.

81 Waaliwo ekiseera awo Mussolini bwe yabeerera ekyenkomeredde kya Rooma. Simanyi, nnyinza okuba nga nnasoma eggulire, oba kiyinza okuba nga nnakisoma mu katabo, oba nga omuntu yanjambla, naye omuntu omu bwe yali abuuzibwa Mussolini. Yali...

Yayagala okuyingiza Rooma mu munnabyamizannyo, ebyemizannyo. Era waliwo ekibumbe kye ekinene ekyateranga okuyimirira awo, nga kikwata ku byamizannyo. Kirungi ekyo. Buyonaani yalina endowooza eyo emyaka mingi emabega. Ne Rooma bulijjo bagezezaako okukifuna. Munnabyamizannyo kirungi, naye-naye eby'emizannyo. Naye-naye jjukira, ekyo tekija kutwala kifo kya Kristo. Ne bwoba ng'oli w'amaanyi kwenkana wa, ekyo tekirina kye kiyinza kukikolako. Ye ge maanyi gonna.

82 Era mulaba kye yagezaako okuzimbirako Rooma. Yagezaako okuzimba Rooma ku nkola ey'okuba n'ekyenkomeredde, era mbu ye yali ekyenkomeredde ekyo.

Era bagamba nti, olunaku lumu, nti o-o- omuvuzi we yakeera nnyo nga ebuloayo eddakiika emu, n'amukuba essasi. Ng'agamba nti, "Saagambye nti, 'keera nnyo ojje nga ebuloayo eddakiika emu okuwera essaawa ssatu zituuke.' Nnagambye nti, 'Beera wano ku ssaawa ssatu zennyini.'" Pow! N'amukuba essasi. Mulaba? mukiraba? "Ssaagala otuuke wano nga ekyabolayo eddakiika emu. Njagala obeere wano ku ssaawa ssatu zennyini." Mulaba? Mulabe kyankomeredde kya kika ki kye yagezaako okwefuula ye. Naye mulaba kiki ekyatuukawo?

83 Mujjukira, bangi ku mmwe wano, abakadde, Roy Slaughter, oboolyawo, n'abalala, mujjukira ekyemmanga walii bwe nnabagamba ku bunnabbi. Olunaku lumu, awo ku kizimbe kya Odd Fellows, nga tetunnaba na kujja wano, Nnayogera nti, "Mussolini ajja kibeera n'enkomerero eswaza." Ne nagamba nti, "Omuzindo gwe ogusooka, ajja kugenda mu Ethiopia, era Ethiopia ejja kugwa wansi we. Naye ajja kutuuka ku nkomerero ye, era tewali ajja kumuyamba. Ajja kuzikibba mu nsongi. Wuuyo awo.

Nnagamba nti, "Waliwo enkola ezigolokose. Enkola ey'obukulembeze mu Bugirimaani ey'eki Nazi, obwannakyemalira mu Yitale, wamu n'obwa nakalyaak'ani." Nnagamba nti, "Enkola ezo zija kwegatta zifuukemu emu, era ejja kuba ey'obwannakalyaak'ani. Mwetegereze. Obwannakalyaak'ani bujja kw'okya Rooma." Mulaba?

Mukitunuulire. Uh-huh. Ekozesebe mu mukono gwa Katonda. Balowooza bawakanya Katonda. Bakolera ddala nga badda mu kyo, obudde bwonna, tebakimanyi. Abakozesa bukoxesa nga ka ddole ke bakubisa jjejjerebu, uh-huh, ekozesebe ekiri mu mukono Gwe, nga bwe Yakozesa Nebukadduneeza n'abalala bangi.

84 Kaakati mwetegereze. Mulaba, Waaliwo ekiseera awo Falaawo bwe yali ekyenkomeredde kya Misiri,

naye mulabe kati wa we kiri. Mulaba? Kyonna kyalemererwa.

Oh, kintu kikyamu, bwe bityo bulijo biremererwa. Byankomeredde ebikoleddwa abantu. Toyinza kutwala kyankomeredde ekikoleddwa omuntu. Sifaayo ne bw'aba mukulembeze, oba nnakyemalira, oba kabaka, oba ekkanisa, oba ekibiina, oba ekiyiiye. Buli kimu ku bintu ebyo bigenda kuzikirira, nga bwe kibadde eri eby'enkomeredde ebirala byonna eby'engeri eyo okuyita mu mirembe

Tusobola okutunulako emabega. Mutunuleeko emabega. Mutunuulire abasajja abeesiganga abafuzi b'amawanga agawera. Mutunuulire abasajja abeesiganga bannakyemalira. Mutunuulire abasajja abaazimbira essuubi lyabwe ku byenkomeredde bwe bityo, era mulabe wa webali olwa leero.

85 Kat i ka tukyuke ate tutunuulire abasajja abaateeka essubi lyabwe mu Baibuli, ku Kigambo kya Katonda, ne bakinyweza okubeera ekyenkomeredde. Mulabe wa gye bali kati.

Pawulo akuwa mu bufunze ebibakwatako, mu Abaebbulaniya, essuula ya 11, biki bye baakola. "Engeri gye baawangulanga obwakabaka, ne bakola eby'obutuukirivu, n'ebirala bwe bityo. Era nga bwe babundaabundiranga mu maliba g'endiga n'agembuzi. Abo ensi beetaasaanira." [Ebbanga ejjereere ku lutambi -Omuk.] Nga balindirira mu kitibwa okuzuukira okwo okukulu. Mulaba? Kale. Kubanga bo, abamu ku bo, teba-tebaafuna byamagero bino, naye era ne bawaayo emibiri gyabwe, mu ngeri yonna, nga batunuulira okuzuukira kuli. Okusaanyawo obulamu bwabwe, tebaakifaako ekyo. Baayagalanga okugenda mu maaso beesaddaake, basobole okufuna okuzuukira okwo, era ekyo kye baakola.

86 Kaakati, ebyenkomeredde, tubyogerako, ekyenkomeredde.

Mukimanyi nti, Kkooti yaffe ensukkulumu kya nkomeredde. Kye ekyenkomeredde. Ye-y'enkomerero y'enkaayana zonna mu ggwanga lino. Kituufu ekyo. Okusalawo kwabwe kwa nkomeredde, mu kkooti yaffe ensukkulumu. Kale. Oh, Mmanyi ebiseera ebimu tetukyagala, naye kya-kya nkomeredde, mu ngeri yonna. Yee, ssebo. Watya singa tetwaakirina ekyo? Olwo kiki? Naye ekyo kya nkomeredde. Ddala bwe kiri. Lwaki? Ku ekyo eggwanga lyaffe, lisibiddwa ku ekyo. Kkooti eyo ensukkulumu bw'ekola okusalawo ekwayo okwenkomeredde, kibeera ekyo. Tewali kweyongerayo. Onoogenda wa, oluvannyuma Iw'ekyo? Ojja kugoberera kusalawo kwabwe, kye kyokka. Oteekeddwa okukikola. Be kigambo ekisembayo. Be ba Amiina.

Oyinza okukigezaako mu makooti g'omubibuga. Osobola okugezaako ew'omulamuzi w'ekkooti ento, n'ogenda ne mu z'amasaza n'eri buli kkooti endala zonna ne mu makooti g'amasaza. Naye bwe tujja mu kkooti ensukkulumu, kiba kiwedde. Kale Ebiseera ebimu tetwagala, kugamba nti, "Kale, saagala kusalawo kwabwe," naye gezaako okubivaako omulundi gumu. Ekyo kye kyenkomeredde ky'eggwanga. Era watya nga tetukirina? Yee.

Tulina okubeera n'ekyenkomeredde. Buli muntu alina okuba nakyo Olinayo kimu. Naye kye ngezaako okubagamba, awo we tuva emabega, nga mbalaga ebyenkomeredde kye biri.

Kaakati, kkooti ensukkulumu ey'eggwanga ky'ekyenkomeredde kyalyo. Ky'ekyo ekintu ekisembayo mu okukuubagana kwonna. Bakitereeza. Bo kye boogera, nga ky'ekyo.

87 Waliwo ekyenkomeredde ku muzannyo gw'akapiira ke bakasuka n'okakuba n'ekiggo (Baseball game). Oyo ye musazi w'empaka z'omupiira ogwo. Oh, weewaawo. Ebiseera ebimu tetwagala kusalawo kwe, naffe, naye kye-kyekyo, mu ngeri yonna. Omusazi w'empaka z'omupiira ogwo, okusalawo kwe ky'ekigambo ekyenkomeredde, ekyo kituufu, abalala ne bwe boogera ki. Bw'agamba nti osubiddwa okukwasa akapiira, kibeera kusubwa kukwasa kapiira. Ekyo kituufu. Ddala. Abalala ne bwe bagamba ki, ekyo tekirina kye kikikyuusamu. Era ka tukirowoozeeko. Bw'oba... nze sigenda mu mizannyo gya mipiira naye ekyo nneesanze nkiwandiiseeko. Omusazi w'empaka z'omupiira, ye kyenkomeredde mu muzannyo ogw'omupiira.

Omukoo ku bo ayinza okugamba nti, "Awo kyabadde kutambula kulonda mupiira." Omulala n'agamba nti, "Oli mulimba." Ate ono n'agamba nti, "Kino kiri bwe kiti. Olina kubeera eno."

Omusazi w'empaka z'omupiira n'agamba nti, "kusubwa kukwasa kapiira." Mulaba abalala bona batuula butuuzi mu bifio byabwe. Abamu ku bo kibaluma. Era nteebereza bayinza n'okumujoola awo, ne mu mitima gyabwe, ne byonna, naye kiri "kusubwa kukwasa kapiira." mu buli ngeri. Lwaki? Ye Kigambo eky'enkomeredde.

Omusajja ali ku mukono ogwa kkono ogw'omukasusi w'akapiira mu baseball yandigamba nti, "Okimanyi nti awo kaayiseewo." Omulala oli n'agamba nti, "Omanyi ekyo ki..." Ate ono ye n'agamba nti

"asubiddwa okukwasa akapiira." Uh-huh. Ky'ekyo. Nga osirika nno, ng'oddayo mu kifo kyo.

88 Watya singa tewaaliwo musazi wa mpaka mu muzannyo gw'omupiira ogwo? Owange! Oyinza okuteebereza ogwo gwandibadde muzanyo gwa nnabaki? Omukoo ku bo n'agamba nti, "Kwabaddde kusubwa kukwasa kapiira." Omulala n'agamba *kino*. Omulala n'agamba nti *kiri*. Ate omulala n'agamba nti, "Oli

mulimba." Wandibaddengawo okwerumaruma n'okulwana.

Okubeera n'omuzannyo gw'omupiira, olina okubeera n'ekyenkomeredde. Era ayingirawo, ne bw'oba nga tomwagala, oba ki, ye-ye kyenkomeredde, mu buli ngeri. Ye kyenkomeredde. Ekigambo kye kye kisembayo, ne bw'onookyogerako ki. Bwe kityo bwe kiri. Kaakati, singa tebaamulina, omuzannyo gwonna gwandiyingiddemu akavuyo. Kituufu ekyo? [Ekibiina kigamba nti, "Kituufu." -Omuk.]

89 Eggwanga lyandibadde litya singa tewaaliwo kkooti ez'amasaza? Nga tewali na kkooti nsukkulumu mu ggwanga lino, kyandiraze wa? Bandizze wa? Eggwanga lyandibadde mu kavuyo. Singa tewaali...

Singa tewaali musazi wa mpaka za mupiira mu muzannyo gw'omupiira, gwandikomekkerezedwa, tewaandikasuse mupiira gusooka nga tewannabaawo muntu ali mu kweerumaruma. Omuntu omu ayinza okuyimirira awo, oboolyawo ng'ayimiridde butereevu mu kwe basinziira okuteeba, kati ate omulala oli ye n'agamba nti, "Oh, nedda. Nedda, nedda. Teykabaddle kityo." Awo, nga mutandika. Olwandikasuse omupiira ogusooka, nga bakiyomberamu. Omu ku bo ng'agamba nti, "Okwo kubadde kusubwa kukwasa kapiira." Omulala n'agamba nti, "tekibaddle bwe kityo." Mulaba?

Olina okubaako oyo omuzannyo kwe gusibidde, era oyo ye musazi w'empaka. Bw'ayogera nti, "kusubwa kukwasa kapiira," kuba kusubwa kukwasa kapiira. Bw'agamba nti, "tambula olonde akapiira," kibeera kutambula kulonda kapiira. Kyonna ky'ayogera, bwe kiba. Kyekyo. Ate bwe mutamugondera, temwandibadde na muzannyo gwonna.

90 Ka mbalageyo ekyenkomeredde ekirala, kye kitaala ekimyufu. Ekitaala ekimyufu, bwe kigamba nti "yimirira," kitegeesa kuyimirira. Bw'okiyitako, ogenda kukisasulira. Naye singa ekibuga kino tekyalina bitaala byonna, ebitaala ebiyimiriza, kyandibadde kibuga nnabaki? Mulaba? Kirina okuba n'ekyenkomeredde. Ssifaayo kiki omupoliisi kye yandigambye, oba omuntu omulala yenna kye yandigambye, ng'ayimiridde awo. Bonna tebalina nkizo mu kyo.

Singa omuntu yenna asobola okukakasa nti wayise mu kitaala nga kyaka langi ya kiragala, sifaayo kiki omupoliisi kye yandigambye, baba bakyamu. Ekitaala bwe kyagambye nti "genda," ekyo kitegeesa genda. Ekyo kye kyenkomeredde. Osobola okukakasa nti, ekitaala kyagambye nti, "genda." Omupoliisi ayinza okubeera ng'ayimiridde awantu awamu, ne mmeeya naye ayinza, okubeera awo, ekyo tekikola njawulo yonna. Bw'oba olina obukakafu nti kyabadde "genda," ogenda. Era omuntu yenna bw'akukoona, ebeera nsobi ye. Osobola okukikakasa. Ekyo kituufu. Era tusobola okukakasa ekyo kye twogerako. Kituufu.

Kaakati, watya nga tewabaddewo kitaala kimyufu kyonna? Omu n'agenda we basalira ku bigere, era ne...sooka olabe bwe kyandibadde. Omu yandigambye nti, "Owaaye! Vva mu kkubo. Ndi mu bwangu. Nnina okugenda okukola. Nkeereye kati. Mpitawo kati." Ate omulala n'agamba nti, "Olowooza bulowooza nti oli. Kubanga, nze ayitawo, kubanga era nze eyasoose wano." Era ndaba n'omukazi ng'afulumamu n'atereeza enviiri ze. Watya nga tewalina kitaala kimyufu? Tewandibaddewo kalippagano ka bidduka!

91 Eyo ye nsonga eri ku makanisa. Mulaba? Ekyo kituufu. Ye nsonga Iwaki tulina akalippagano k'ebibiina by'amadiini. Weewaawo. Ekyo kituufu ddala. Tewali alina waalaga. Bayimiridde beeruma bwerumi.

Kiokino ekitaala kya Katonda. Bwe kigamba nti, "genda," genda. Bwe kigamba nti, "Yimirira, wano wala ekimala," awo yimirira. Ekyo kituufu. Awo we twesigamye, ku Ekyo, Ekigambo ekyo, si ekyo ekibinja ky'abasajja abamu kye kye baagamba, oba ekibinja ky'abasajja ekirala kye kyagamba. Yesu yagamba nti, "Obubonero buno bunaagobereranga abo abakkiriza." Tugende. "Mugende mu nsi zonna, mubuulire Enjiri eri buli kitonde."

92 Omanyi, okusoma nga bwe kuli okulungi, naye Yesu ekyo si kye yali yeetaaga. Bwe kiri. Amakanisa nga bwe gali amalungi, ebizimbe, Yali Teyeetaga ekyo. Amalwaliro nga bwe gaali; ffe, amakanisa, tuzimba amalwaliro. Kituufu ekyo. Ekyo tukisiima. Naye Si kye Yali Yeetaaga ekyo.

Yayogera eri ekkanisa nti, "Mubuulire Enjiri." Era enjiri teyajja mu bigambo byokka, naye n'okuyita mu maanyi n'okulabisibwa okw'Ekigambo. Pawulo bwe yayogera bwatyo. Awo genda, labisa Enjiri, oh, owange, bwe kibeera nga kyali bwe kityo.

93 Oh, tuli, olwa leero, tuli mu kaseera we tulina abasawo abasinga be twali tubadde nabo. Tulina amadagala agasinga ge twali kujjanjizza nago. Okimanyi ekyo. Era tubassaamu ekitiibwa abasajja abo. Tubasabira. Nkikola, era nsuubira mukikola. Abasajja abo, bo n'entegeera yaabwe ey'engeri omuntu gye yeewulira...Balina obusimo bubiri bwe bakozesa, okwo kwe kulaba n'okuwulira, era ba... era n'okuwuliriza. Bakolera ku ddoboozi ly'omutima, oba e-engeri omuntu gyawuliram nra nga alina ekizimba, oba ekintu ekirala, oba okulabibwa kw'ekintu kye basobola okulaba, okusaasaanyizibwa kw'endwadde, oba-oba ekintu ekimu mu maaso, ekyo ekibikka mu maaso oba omubiri, awantu awamu. Bo, bakola ku bintu ebyo. Mulaba? Kubanga ekyo... Era bagezaako okutwala eddagala, n'okutuusa nga limala okukitta, naye ate nga ggwe terikutta, ne-n'ebirala. Tebajja... Eyo ye buzinensi yaabwe, okukola ku ekyo. Era tukisiima ekyo. Ekyo kirungi nnyo. Wabula, tulina abasawo abasinga, eddagala erisinga, amalwaliro agasinga, naye ate

ng'obulwadde bungi okusinga ku obwo bwe twali tubadde nabwo.

Tulina obutakkiriza bungi okusinga ku obwo bwe twali tubadde nabwo. Yee, ssebo, kye ekkyo kyennyni.

94 Abawereza beekozeemu ekibiina, era balina ebibiina by'amadiini eby'amaanyi, nga bayingiza munda buli kintu, n'ebirala, na buli yenna, kasita abeera mmemba w'ekkanisa. Era baagenda eyo mu Ssemminaariyo, nga ekyuma ekyaluza obukoko, ne babaalula okubaggya mu kyuma ekibafulumyayo bw'ekityo, era ebiseera ebimu nga tebalina kye bamanyidde ddala ku Katonda ng'omu Hottentot bw'atamanyi bifa mu Misiri ekiro. Babaleeta bwe batyo, era kye ekkyo. Mulaba?

Oh, kye twetaaga mu makanisa gaffe ye musajja alina ekyenkomeredde. Kye twetaaga mu kkanisa ya Mesodisiti, mu kkanisa ya Baputisiti, mu kkanisa ya Pentekoote, mu kkanisa ya Pulesibeteriya, kye kyenkomeredde, omusajja wa Katonda ajja okuyimirira nga yeesibidde ku Kigambo ne ku Kristo, era aleete abantu abo mu mbeera nti buli mmemba atambulira mu Kigambo kino, era ng'alaba Ekigambo ekkyo nga kirabisibwa, nga kibagoberera. "Obubonero buno bunaagenda n'abo abakkiriza, mu nsi yonna." Baagamba nti, "Ekkyo kyaggwa."

Yesu yagamba nti, "Mugende mu nsi zonna, mubuulire Enjiri eri buli kitonde." Tetunnaba kutuuka mu nsi yonna, era eri buli kitonde. Okutuusa ddi? "Ensi yonna." Eri baani? "Buli kitonde." Kiki ekinabaawo? "Obubonero buno bunaagendanga n'abo abakkiriza. Mu Linnya Lyange banaagobanga emizimu. Bajja kwogera n'ennimi empya. Bwe banaakwatanga ku misota, oba ne banywa ekitta kyonna, tekibakolenga bubi. Bwe banaateekanga emikono ku balwadde, banaawonanga," Ekyo kye kyenkomeredde nga kinywezezza awo, Ekigambo, Emmunyeenyey e'yomu mambuka, endagirirabifo eyo esigala obutereevu nayo. Ekyo kye twetaaga.

95 Naye twafuluma wabweru ne tuzimba amatendekero, ne tukola ebibiina mu bantu, ne tufuna ba mmemba, ne tulumagana n'ababaputisiti kubanga bo tebakkiriza mu ngeri eyo gye twakkirizaamu, n'abamesodisiti kubanga bo tebaakikola, eno. Era-era ne twalula ssemminaariyo esinga obunene, ne tuzimba amakanisa agasinga obunene nga galina entebe ez'ebbeeyi eziyooyooteddwa obulungi, n'ennanga esinga obunene, n'ebirala ng'ebyo, n'ekibiina ekisinga okwambala obulungi, ne tufuna mmeeya na buli omu mu kkanisa. naye tuvuddemu na ki? Ekinja ky'okufa, nga kisibiddwa eri ekyenkomeredde ky'eddiini. Okufa! Oh, kikafuuwe!

96 Bwe nfiira mu makubo gange, ekyenkomeredde kyange ye Yesu Kristo, ku ekkyo kwe kuli kye nzikiriza, singa buli muntu anvaako. Omuntu omu yagamba nti, "Dokita. Davis yanjambar nti, "Billy, obuulira ekintu ekiringa bwe kityo, ojja kukibuulira mpagi za kkanisa."

Nnamugamba nti, "Nja kubeera nga mbuulira Kigambo kya Katonda eri empagi, awo, kuba Katonda asobola okuyimusiza Ibulayimu abaana okuva mu mpagi zino." Kituufu. Ekigambo kya Katonda kya nnamaddala. N'agamba nti, "Olowooza banaakukkiriza?"

Ne mugamba nti, "Si... Ogwo si mulimu gwange. Omulimu gwange kwe kusigala nga ndi w'amazima eri Ekigambo." Ekyo kituufu.

N'agamba nti, "Olowooza oyinza okusisinkana ensi ey'obuyigirize bw'oti, n'endowooza ey'eddiini eyo-ey'Okuwonyezebwa okw'Obwakatonda?

Ne mugamba nti, "Si kuwonyezebwa okw'Obwakatonda okwange . Wabula kisuubizo Kye. Ye ye Yawa ekiragiro."

97 Oh! Era nzijkira bwe Yajja wansi eyo mu Kitangaala ekinene, ng'ayimiridde waggulu ku mugga, mu 1933, mu June, bwe Yagamba nti, "Nga Yokaana Omubatiza bwe yatumibwa okujja okuteekateeka okujja kwa Kristo okwasooka; Nkutuma n'Obubaka eri ensi, okuteekateeka Okujja kwa Kristo okw'okubiri." Era kyetooloodde ensi yonna, nga omuliro gw'okuzzibwa obuggy guzimbiddwa okumala emyaka kkumi n'etaano kumpi ku buli lusozi. Okuwonyezebwa kw'Obwakatonda mu mawanga, n'amaanyi, n'okuzzibwawo.

Era kaakati nzikiriza yeetegese okutuuka ku ntikko waggulu, okuleeta Okukkiriza okunaakwakkula Ekklesia okugenda mu Kitibwa. Era Ali mu Bubaka. Ddala tulii mu biseera bya luvannyuma. Tukyogeddeko, na buli kumu, naye kaakati ekintu kitutuuseeko ffe. Weewaawo. Yee, ssebo. Kiikyo. Ekyo kituufu.

98 Ekitaala e-e-ekimyufu, nga bwe njogedde, kimala okutereeza ensonga eyo. Ky'ekkyo. Ekitaala ekimyufu kikbuulira ani agenda. Si nsonga omuntu omulala yenna kiki ky'agamba, kiri ekitaala ekimyufu kye kigamba. Muyinza okufunira ddala akalippagano k'ebidduka bwe mubeera nga temufuddeyo eri ekitaala ekkyo ekimyufu. Wateekeddwa okubeerawo ekyenkomeredde. Yee ssebo.

Nga eri Ekklesia, wateekeddwa okubeerawo ekyenkomeredde. Eri abantu mu Kkanisa, olina okubeera n'ekyenkomeredde kyo.

Naye, olwa leero, buli kkanisa erina ekyenkomeredde kyayo. Mulaba? Era togezaako kutwala kino nti, "Ffe Ababaputisiti tukkiriza kino. Ffe Abamesodisiti tukkiriza kino. Ffe Abapresbyterian tukkiriza kino. Ffe Abapentekoote tukkiriza kino." Ekyo kirungi, naye Iwaki totwala ebirala ebibulayo? Ebirala ebibulayo birina buzibu ki?

"Ffe Ababapusiti tukkiririza mu kunnyika mu mazzi." Ekyo kirungi. Ate okubatizibwa kw'omyoyo Omukuku, kaakati? Ate okwogera mu nnimi? Ate ebirabo by'okuwonyezebwa? Ate obunnabbi? "Oh, nedda. Tetubikola. Ebyo, ebyo byali bya mulembe mulala." Oh, abange!

99 Abapentekoote mwogera nti, "Kale, ffe tukkiririza mu kwogera ennimi, olw'obukakafu." Ddala, okwogera mu nnimi kirungi, naye ekyo kisigala si bwe bukakafu. Abantu bangi boogera mu nnimi, ekyo kituufu, era awo we baali batuuse. Setaani asobola okugegeenya ekirabo kyonna ekirina, ekirabo kyonna ekiri mu Baibuli.

Pawulo yagamba nti, "Newankubadde nga njogera mu nnimi ez'abantu n'ezabamalayika, newankubadde nga mpaayo omubiri gwange okwokebwa nga saddaaka, newankubadde nga ntunda ebyange byonna ne ndiisa abaavu, era newankubadde nga nnina okukkiriza okusigula ensozi, newankubadde nga nnagenda mu sseminaariyo ne nsoma amagezi gonna agalina okusomebwa, nsigala siri kintu."

100 Kristo Yennyni Mwene. Kristo, musembeze Ye, ate tosobola kumusembeza nga tosoose kusembeza Kigambo Kye. Ekigambo kye kirina okusooka okujja, awo Obulamu ne bujja mu Kigambo ne bulabisa Ekigambo ekyo.

Yesu teyagamba nti, "Bwe sikola mirimu gya Kitange, awo temunzikiriza Nze"? Kyali Kigambo kya Katonda nga kirabisiddwa. Katonda yali mu Kristo, ng'Atabaganya, nga Yeerabisa Ye Mwennyini eri ensi, ekyo kye Yali. Ekyo kyali-ekyo kye kyali ekyenkomeredde. Ekyo kye kyali ekyenkomeredde Ekitaggwaawo awo.

Kaakati ogamba nti, "Ekyo kye Kitaggwaawo, ow'oluganda Branham?" Kyali ekyo. "Olwo ate olwa leero?"

Yesu yagamba nti, "Oyo akkiriza Nze, emirimu gye nkola naye ajja kugikola." Ky'ekyo ekyenkomeredde kye kimu. Kale.

101 Buli omu alina ekyenkomeredde kye ye. Oh, owange! Kiringa bwe Kyali mu nnaku z'abalamuzi, "Buli muntu yakolanga ekyo ekyali ekituufu mu kulaba kwe ye." Mu nnaku z'abalamuzi, buli muntu yalinanga ekyenkomeredde kye. Yakolanga bukozi ekyo kye yayagalanga okukola. Era bwe kityo bwe kiri kaakati. "Buli muntu yakolanga ekirungi mu maaso ge ye." Kaakati, mmanyi ensonga Iwaki ekyo baakikola mu Balamuzi? Kino kiyinza okubennyamizaamu katono. Naye ensonga Iwaki baakikola mu Balamuzi? Kubanga tebaalina nnabbi mu ezo ennaku, ow'okujirwa Ekigambo kya Mukama. Bwe kityo buli muntu yakola ekyo kye yayagala okukola, mu maaso ge ye.

Era ekyo kyennyni kye kituuseewo olwa leero. Tetulina nnabbi mu nnaku zino ez'ebibiina by'amadiini, naye Katonda Yatusuubizaayo omu Mulaba? Mulaba? Era n'Akikola. Mu nnaku ez'oluvannyuma, Ajja kugolokoka Atume Eriya okukomawo mu kifo nate, "Era ajja kukyusa emitima gy'abaana okugizzayo eri okukkiriza kw'abakitaabwe," Okudda eri Pentekoote nnakabala. Mukimanyi ekyo Yakyogera.

102 Kaakati, mmanyi ojja kujuliza, nga bwe Yakola eyo mu Yokaana, mu Matayo essuula ya 11, n'olunyiriri 6, Nzirkiriza bwe kiri, bwe bayogera nti, "Olowooza ono omusajja yali ani, Yokaana ono?"

N'agamba nti, "Bwe muba musobola okukifuna, y'ono eyayogerwako, 'Laba, ntuma Omubaka Wange nga sinnaba kujja.'" Oyo ye Malaki 3, si Malaki 4

Naye, mujjukire nti, bwe kiba nti oyo ye yali Malaki 4, awo Ekigambo kyalemererwa, kubanga Yagamba nti, "Naye mu kaseera ako, ensi yonna yali ya kwokebwa era abatuukirivu bajja kutambulira ku vvu ly'ababi." Nedda. Tokitabula, ow'oluganda. Kireke kyogerere ddala ekyo kye kyogera. Kituufu ekyo. Yakisuubiza mu nnaku ez'oluvannyuma, era kijja kubearawo awo wennyini.

103 Mujjukire, mu balamuzi, buli muntu bwe yakolanga bwe yayagala. Tewaaliwo muntu yenna, tewali muntu eyayinza okufuula Ekigambo ekyo ekiramu. Tewaaliwo nnabbi yenna. Ekigambo kya Mukama bulijjo kijjira nnabbi. Kale. Era bulijjo akyayibwa. Okuggyako ekibiina ekitono ddala eky'abo abamwagala, mulaba, Naye, Ntegeeza, bulijjo waaliwo ekyo.

Katonda takyusanga ku nkola Ze, Tasobola, n'Asigala nga ye Katonda. Singa Katonda abaako kyonna ky'Ayogera oba n'Abaako kyonna ky'Akola, Ateekeddwa okukikola omulundi omulala. Singa ako akatyabaga kabeerawo, singa Takikola mulundi gwa kubiri mu ngeri gye Yakikolamu omulundi ogwasooka, Aba Yakola bubi omulundi ogwasooka. Era ani ayinza okulumiriza Katonda olw'okukola obubi? Gwe ani, asobola okuteeka ekibi ku Katonda? Ky'ekyo Yesu kye yayogera nti, "Ani ku mmwe asobola okunnumiriza

Nze ekibi?"

Ekibi kye ki? Obutakkiriza. "Oyo atakkiriza omusango gumaze okumusinga."

"Ani ku mmwe asobola okundaga Nze nti situukirizza buli kimu Masiya kyateekeddwa okukola?" Mulaba? Tewali yayogera kigambo n'ekimu. Yali Akikoze. Masiya yali Nnabbi, era Yali akakasizza nti Yali ekyo. Baali bamaze ebikumi n'ebikumi by'emyaka nga tebalina nnabbi, okuva ku Malaki, kati awo n'Ajja. Yali wa kyama nnyo eri abantu, era omuziziko eri ekkanisa yaabwe.

Kuba, Yagamba nti, "Laba, nteeka mu Sayuuni, ejinja ly'omunsonda, ery'omuwendo, erigezesebbwa, oh, ejinja ery'omuziziko." Weewaawo. "Naye buli Amukkiriza taliswazibwa." Kituufu ekyo. Awo we Yali. Era ekyo kyatuukiririza ddala Ekyawandiikibwa. Nayabo abaamukkiriza Ye baalina ekyenkomeredde.

104 Maliza omuto, bwe yalaba Lazaalo ng'ava mu ntaana, yamanya Oyo yali Ani. Nga tekinnaba na kukolebwa, yalina ekyenkomeredde oky'okumanya. "Nzikiriza nti Oli Mwana wa Katonda, eyali ow'okujja mu nsi. Ne kati, newankubadde nga muganda wange mufu, Yogera bwogezi kigambo. Katonda Ajja kukikola." Amiina. Yali akakasiza ddala. Ekyo kituufu. Bwe Ya... Yayogera atyo, era nga akitegeesa okuva ku mutima gwe. N'amugamba nti, "Mwamuuiika wa?" N'addamu nti, "Jangu olabe."

N'Ayimirira awo, n'okwolesebwa. Kuba, Yagamba nti, "Siriiko kye nkola okutuusa nga Taata asoose okukindaga," Yokaana Omutukuvu 5:19.

Yamutuma walako, yagenda walako okuva ewali ennyumba ya Lazaalo. Baamutumya okujja, asabe. Yamanya nti Lazaalo yali agenda kufa. Era oluvannyuma Iw'ekiseera ekimu, n'Agamba nti, "Mukwano gwaffe, Lazaalo yeebase." Ne bagamba nti, "Ali bulungi."

N'Abagamba nti, "Afudde, Era ndi musanyufu ku Iwammwe nti saabaddewo." Bandibadde bamusaba amusabire.

Awo n'Akomawo, n'agamba nti, "Naye nja kugenda mmuzuukuse." Oh, abange! (Si nti Nja kugenda Ndabe kye Nnyinza okukola.") "Nnjenda kumuzuukusa." Lwaki? "Taata amaze okundaga Nze kiki eky'okukola."

105 N'agenda ku ntaana. Wuuyo awo Omusajja nga Ayimiridde. Waali wayimiriddewo Katonda mu mubiri, eyandigambye ejinja eryo nti "Saanuuka." ne lisaanuuka. Nayabo abakazi abo, abakazi abo abanaku, abakazi abato, n'Abagamba nti, "Muggyewo ejinja."

Olina eky'okukola, naawe. Olaba? Ne bayiringisa ejinja okuliggyawo. Ne kibalwaza; kuba yali acuma.

Awo wennyini, ng'Ayimiridde Oh, owange! Mmulaba ng'Agolola omubiri ogwo omutono omunafu. Kubanga, Baibuli egamba nti, "Tewaliwo bulungi bwe twegomba mu Ye." Teyali, mulungi kutunuulira. Mulaba?

106 Nga Dawudi, yalondebwa okubeera Kabaka nga kantu katono akamyukirivu. Mulaba?

"Bali bona nga banene ab'amaanyi," nga baboogerako nti, "oyo taafaanane bulungi n'engule ku mutwe gwe? Twala ono omutabani omukulu," nga Yeso bwe yayogera.

Samwiri n'agamba nti, "Katonda amugaanye." N'aleeta abaana be bona. N'amugamba nti, "Tolinaayo mulala?"

Weewaawo, tulinayo omu, naye tafaanana kubeera kabaka. Kale, katono nnyo, kakootakoota, kamyukirivu."

"Genda, omuleete."

Era amangu ddala ng'azze, n'ajja mu maaso ga nnabbi oyo, Omwoyo yamukkako. N'adduka n'amafuta ago, n'agayiwa ku mutwe gwe, n'agamba nti, "Ono ye kabaka wammwe." Bwe kiri. Yee ssebo.

107 Yesu yayimirira awo, nga akootakoota, oboolyawo, nga atandise n'okujja envi ate nga akyali wa myaka ng'asatu. Baibuli yagamba nti, "Yalabika okubeera nga afaanana ow'emyaka ana." Abayudaaya baagamba nti, "Oli Musajja tonnaba na kuweza myaka amakumi ataano, n'ogamba walaba Ibulayimu?" N'abagamba nti, "Nga Ibulayimu tannabaawo, nga NDI." Abange! Oh, owange! Omutukuvu Yokaana 6.

Awo, tukizuula, Nga ayimiridde awo ku ntaana. Yamanya nti okwolesebwa okwo kulina okujja. Yali Akimanyi nti kirina okuba. "Muggyewo ejinja." Awu...

Yali awunya, ng'azingiddwa mu ngoye ez'entana, ng'abadde mufu okumala ennaku nnya. Nga n'ennyindo ye yamala dda okugwamu, obudde obwo bwonna.

108 Awo, Yayimirira, n'Agolola omubiri Gwe. "Nze kuzuukira, n'Obulamu." Hum! "Oyo akkiriza Nze, newankubadde ng'afudde, aliba mulamu." Mbuulira omuntu ayinza okwogera ekintu ekiringa bwe kityo.

"Buli abeerawo n'anzikiririzaamu talifa. Okikkiriza kino?"

N'agamba nti, "Yee, Mukama." Newankubadde nga Yalinga eyamuyiwa, kyalabika nga. Bwe yamuyita, Teyagenda. N'addamu n'amuyita nate; Teyagenda. Naye wano agamba nti, "Mmanyi nti Oli Kristo eyali ow'okujja mu nsi."

N'Agamba nti, "Lazaalo, vvaayo." Era omusajja yali afudde okumala ennaku nnya. Lwaki? Kiki? Kristo yalina ekyenkomeredde. Yali yalaba okwolesebwa. Tekyayinza kulemererwa. Ekyo kituufu. Tekyayinza kulemererwa. Yali mukakafu ddala.

Ne Maliza yali mukakafu ddala. Singa asobola okuleetera Yesu okukitegeera ekyo kye yali Amukkiririzaamu, ajja kufuna ekyo kye yali asabye. Kale. Baali awo. Ekyenkomeredde, kyesibira ku Kigambo, era kyali ekyo.

109 Buli muntu leero akola, mu kulaba kwe ye, ekirabika okubeera ekirungi, kubanga tewaliwo nnabbi. Tunuulira mu nnaku z'abalamuzi.

Tunuulira mu nnaku awo, nzikiriza, yali Eriya oba Erisa, omu. Weewaawo. Nti, omwana omuto omufu. Omukazi Omusunammu yakola...

Eriya ye yali omusajja wa Katonda ow'olunaku olwo, si musomesa omu omulungi era omugezi. Kale, yali musajja mukadde eyatambulanga. Oyinza... Jangu, singa ajja ku luggi lwo olwa leero, oboolyawo oyinza okumugobaganya. Eggwanga lyonna lyamukyawa. Yezebeeri n'abalala bona baamukyawa.

Kubanga, Yezebeeri yatuulanga mu White House n'aleeteranga abakazi bona okukolanga mu ngeri gye yakolamu, era bona beeyisanga nga ye bwe yeeyisa. Era Akabu yali yakyusibwa, omutwe gwe gwakyusibwa olw'amaanyi ga Yezebeeri. Tetunnakisubwa nnyo olwa leero. Kyenkana kye kimu, era kye-ky'ekyo. Era bona baalina ettutumu. Era, oh, bona baali batwaliriziddwa.

110 Naye ako ka nnamukadde Akasunammu! Si omukazi Omusunamu, naye ka... Yee. Nzirkiriza yali Musunammu. Bwe yajja n'alaba nti ago amaanyi gaali mu Eriya, yagamba nti, "Mmanyi nti musajja mutukuvu." Era omwana oyo bwe yali ng'agalamidde awo mufu, yagamba nti, "Teeka amatandiiko ku ndogoyi era toyimirira." N'agendayo. Nga amanyi. Era ekyo nkyagala, engeri gy'ajjamu. Yatuuka ku kyenkomeredde kye, empagi ye weyali asibidde.

Eriya yagamba nti, "Wuuyo ajja omukazi Omusunammu. Ankungubaga. Naye simanyi kiki ekikyamu." Olaba? Katonda abaweereza Be tabalaga buli kimu; okuggyako ekyo kyokka ky'Abeera ayagala bamanye. Bwe kityo yagamba nti, "Omutima gwe munyiikaavu, naye simanyi." N'agamba nti, "Dduka, okizuule, Gekazi, olabe kiki ekikyamu."

N'agamba nti, "Byonna biri Bulungi naawe? Byonna biri Bulungi ne balo? Byonna biri Bulungi n'omwana wo?"

Mumutunuulire. Oh, owange! Kiokino. N'agamba nti, "Byonna biri Bulungi." Lwaki? Yali azze eri ekyenkomeredde kye. "Byonna biri Bulungi."

N'afukamira wansi. N'agwa, okusooka ku bigere bye. Era Gekazi n'amuyimusa waggulu nti, "Ekyo si kituufu," mu maaso ga-ga mukama we. N'amuyimusa waggulu. Omukazi n'atandika okumubuulira.

111 Kaakati, Eriya teyalina kyankomeredde kati, yali amanyi nti alina amaanyi, okuyita mu kwolesebwa, okumuwa omwana. Naye kati yakola ki? Yakwata omuggo gwe n'agenda mu kisenge kye, n'aggalawo enzigi zonna, n'afulumya buli muntu yenna wabweru. N'atambula mu kisenge nga bw'adda eno bw'adda eri. Yalina ekyenkomeredde, singa yali asobola okukikwatako. Nga bw'agenda bw'akomawo, waggulu ne wansi mu kisenge! Oh, owange! Butereevu n'awulira ekintu nga kimukwatako. N'agalamira ku mwana. N'ayimuka nate, n'agenda. O-omwana n'abeera nga eyeenyenya, n'abuguma. N'ayimuka, nga bw'agenda bw'akomawo. Nga tafunye nkwatagana nnungi na kyankomeredde "Kyali ki, Mukama? Ogamba nkole ki?

Amazima ddala, bwe yakyuka, n'alaba okwolesebwa, ng'omulenzi oyo omuto adduka, ng'azannya, ng'abuuka n'omuguwa, ekintu, ekirala bwe kityo, ng'azannya. Neyeasuula ku mwana. N'ateeka ennyindo ye ku nnyindo y'omwana, emimwa gye ku mimwa gy'omwana, era amanyi ga Katonda ne gazuukiza omwana.

Kyali kiki? Ekyenkomeredde ky'omukazi yali nnabbi. Ekyenkomeredde kya nnabbi yali Katonda. Era wamu, n'Ekgambo nti, "Nze kuzuukira n'Obulamu." Ndaba amanyi ga Katonda. Omutonzi asobola okukola byonna. N'agolokoka nate, omwana. Ddala.

112 Ensonga Iwaki buli muntu akoze mu ngeri eyiye, kubanga tebaalina nnabbi Oyo anajjirwa Ekgambo kya Katonda. Ekgambo ne bannabbi byali bibulawo mu lunaku olwo.

Oh, kino nnakiraba mu kukyuuusibwa kwange, ku lunaku lwe twalimu. Ndi musanyufu nnyo nti Katonda

yankwata ng'ekkanisa tennaba kukikola. Nnandibadde mukafiiri. Yee, ssebo. Nze... okwegatta kuno kwonna, akavuyo, na buli omu, "Kale, jangu eno weegatta ku kyaffe. Era bw'otaakikole, kale, osobola okulonda ebbaluwa yo n'ogenda ne weegatta ku balala." Oh! "Toleete bbaluwa yo mu kussa ekimu kyaffe?"

Nzikiriza waliwo ebbaluwa emu, weewo Kristo w'awandiika erinnya lyo mu Kitabo ky'Omwana gw'Endiga Eky'Obulamu. Omwo mwokka mwe liri.

113 Bwe nnalaba ebibiina by'amadiini byonna! Ebyafaayo byaffe twava mu Ireland, abaali Abakatuliki okusooka. Era nnalaba nti eyo bwali bulyake n'obuvundu. Nnagenda mu kkanisa emu ey'ekibiina ky'eddiini wano mu kibuga, ne bagamba nti, "Oh, ffe kkubo, n'Amazima n'Ekitangaala. Kyonna tukirina." Ne njenda mu ndala mu New Albany kko bo nti, "Oh, owange! Abo abantu abali engulu eri tebamanyi kiki kye boogerako." Abakatuliki ne bagamba nti, "Mmwenna muli bakyamu." Ne ndowooza nti, "Oh, owange!"

Nnazanyanga n'omulenzi wa Luther omuto. Nendowooza... Omuluther Omugirimaani. Ne njendayo, ne njamba nti, "Wa gy'osabira?"

"Nsabira ku kkanisa eyo."

Ne njenda, ne nkizuula nga bagamba nti bo be kkubo. Ne Ne njenda ew'owoluganda Dale, mu Emmanuel Baptist, era, oba First Baptist. Bo nga bagamba nti, "Lino ly'ekkubo."

Ne Ne njenda mu kkanisa y'abantu ab'e Ireland, nayo ne njamba nti, "Kale, lino ly'ekkubo."

"Oh, Owange! Ntabuddwa nnyo. Simanyi kya kukola. Naye njagala okutereeza."

114 Nnali simanyi kiki eky'okukola. Era nga simanyi ngeri ya kwenenyamu.

Ne mpandiika ebbaluwa. Nga ndowooza nti, "Nnamulaba mu kibira." Ne Muwandiikira ebbaluwa. Ne njamba nti, "Ssebo Omwagalwa, Mmanyi Oyita wano wansi mu kkubo lino, kuba ntuula wano nga njigga bukaamuje. Nkimanyi nti Oyitawo. Mmanyi nti Oli wano. Nkwagala Gwe. Njagala kubaako kye nkugamba."

Ne ndowooza nti, Kati lindamuko akaddakiika. Sirabye muntu yenna. Ssaa... Njagala kwogera n'Ekyo. Nja-njagala kwogera Naye. Njagala kwogera Naye." Ne ndowooza nti, "Kale, kaakati, simanyi ngeri yaakukikolamu."

115 Kati nnagenda wabweru mu kibanda ne nfukamira wansi, amazzi, obunnyogovu. Emmotoka enkadde nga eri awo, nga eyenjebuse, Ne njamba nti, "Nzikiriza nnalabako ekifaananyi, Nzikiriza, baawanikanga bati emikono gyabwe." Ne nzika wansi. Ne njamba nti, "Kaakati kiki kye njenda okwogera?" Ne njamba muli nti, "Waliwo engeri gy'olina okukolamu kino, era simanyi. Mmanyi waliwo engeri emu ey'okwejjangamu buli kintu. Era simanyi..." Ne njamba nti, "Nja kuteeka emikono gyange bw'enti."

Nnagamba nti, "Ssebo Omwagalwa, njamba nti singa Oja n'oyogera nange, waakiri akaseera katono. Njagala Okukugamba nga bwe ndi omubi." Kwata omukono gwange bw'oti. Nnawuliriza.

Abantu baagamba nti, "Katonda yayogedde nange." Nga mmanyi nti Yayogedde, kuba Nnakiwulira nga nkyali mwana muto, n'anjamba "obutanywa n'ebintu.

Teyanziramu. Ne Ne njamba nti, "Oboolyawo nnabadde mbadde wa kuteeka mikono gyange bw'enti." Kale olwo ne njamba nti, "Ssebo Omwagalwa, simanyidde ddala ngeri yaakukolamu kino, naye Nze-nze nkakasa nti Oja... Onaannyamba?"

116 Kati buli mubuulizi yanjambanga njende nneegattenga ku kyabwe, era nnyimirire njambe nti baatwala Yesu Kristo, era "bakkiriza Yesu Kristo okubeera Omwana wa Katonda." Setaani akkiriza ekintu kye kimu. Twentyo Ne ndowooza nti, "Nteekeddwa okufuna ekisingawo ku ekyo." Nedda.

Nnali ntudde *bwenti*.

Nnali nnasoma awo Peetero ne Yokaana we baayitira mu mulyango oguyitibwa Omulungi, era nga waaliwo omusajja eyalemala okuvira ddala mu lubuto lwa maama we. Nga bwe yagamba nti, "Zzaabu ne Ffeeza sirina, naye kye nnina kye nkuwa..." Oh, nnamanya ekyo sikirina.

Kale nnali ngezaako oku-okuzuula engeri y'okukikolamu. Nnali simanyi ngeri yaakusabamu. Ne ntereeza emikono gyange, awo ne ngiteeka wansi bw'enti.

Kati olwo, Setaani n'ajja mu kifo awo, n'agamba nti, "Olaba, olinze nnyo. Waweza dda emyaka abiri. Tewaliwo nsonga Iwaki okigezaako katı.

Weewaawo."

117 Olwo nno ne nsoberwa nzenna, ne ntandika okukaaba. Era awo, nga ddala nsobeddwa, ne njamba nti, "Njenda kwogera. Bw'otooyogere nange, nze njenda kwogera Nawe, mu buli ngeri. Twentyo ne- ne

njogera nti, "Siri mulungi n'akatono. Nswadde nze. Mwami Katonda, mmanyi Ojja kumpulira, awantu awamu. Ojja kumpulira. Era Nswadde. Nswadde kubanga nkulekeredde nnyo."

Mu kiseera ekyo, nnatunula waggulu, ne mpulira enneewulira eyenjawulo ng'empitamu. Wano Ekitangaala ne kijja, nga kitambula okuyita mu kisenge, ne kikola omusaalaba, bwe kityo. Era Eddoboozi lye siwulirangako mu bulamu bwange, ne lyogera. Nnakitunuulira. Nennyinyogoga nzenna nzenna, nga nsannyaladde olw'okutya. Nnali siyinza kutambula. Nga sibola kwenyenya. Ne Kiyimirira, ne nkitunuulira. Ne kigenda.

118 Ne njamba nti, "Ssebo, si-sitegeera lulimi Lwo." Ne njamba nti, "Bw'Oba tosobola kwogera Iwange, nga nange si-sitegeera Lulwo, era bw'Oba onsonyiye... Mmanyi nti nteekeddwa okulowoozebwako mu musaalaba ogwo, awantu awamu, nti ebibi byange byalina kubeera awo. Era-era bw'Onaansonyiwa, jangu okomewo oyogere mu lulimi Lwo. Era nja kutegeerera ku ekyo, Bw'Oba nga tosobola kwogera lulimi Iwange." Ne njamba nti, "Kireke kikomewo nate."

Kyali awo, nate. Oh, bannange! Awo we nnafunira ekyenkomeredde. Amiina. Yee, ssebo. Nnawulira nga o-omugugu gwa ttani ana nga guggyiddwa ku bibegabega byange. Ne ntambula okuyita wansi awo, nga sisobola nakulinnya ku ttaka.

119 Maama n'aŋŋamba nti, "Billy olinga alina ekiwuggwe." Ne mugamba nti, "Nedda, maama, simanyi kiki ekibaddewo."

Waaliwo oluguudo Iw'eggaali y'omukka emabega eyo. Ne nzirkira mu luguudo Iw'eggaali y'omukka olwo, nga mbuuka mu bbanga, nnyo nga bwe nsobola. Nnali simanyi ngeri ngeri ki ekwetaawuluzaamu mu ngeri gye nnali mpuliramu Oh, singa nnali mmanyi engeri y'okuleekaanamu! Nnali ndekaana, naye mu ngeri yange nze, mulaba.

Kyali kiki? Nnali emmeeme yange ngiwummulizza mu kiwummulo Kye. Ekyo kyakitebenkeza. Ekyo kye kyali ekyenkomeredde kyange. Awo nnalina kye nnali nzudde, si kya nfumo, ekirowoozo ekimu. Nnali njogedde n'Omusalija. Nnali njogedde n'Omusalija oyo eyanjamba, "obutanywanga, oba okufuweeta sseggereti, oba okukola ekintu kyonna ekiyinza okunyonoona." nze mwennyini n'abakazi n'ebirala. Nti, bwe nnaakula, wajja kubaawo omulimu gwe nja okukola. Nnali mufunye Ye; si ekkanisa. Nnali mufunye Ye, Ye Yennyini! Yee, ssebo. Ye yali Oyo.

120 Nga omusajja wansi wano mu ba Kiwanis oba e... yali ayogera, si...ddala oluvannyuma Iwa Ssematalo Eyasooka. Ow'oluganda Funk, ng'ayimiridde awo, olw'okuba mujaasi. Yagamba yali... Kitono, kiwulikika nga eky'okusaaga. Kino si kifo kyakusaaga, naye kiikino kye yagamba. Yali wano mu New Albany.

Era n'agamba nti, "Kaputeni yatuggyayo, n'agamba nti, "Ensi eyo yonna ejjudde Abajapaani. Enky, bassebo, tugenda munda. Tulina okubawkata.' N'agamba nti, 'Mujukire, bassebo nti, waliwo bangi kuffe abayimiridde wano, olwa leero, abatajja kubeerawo enky. Tebajja kubeerawo wano nkya. Tugenda munda, kumakya, nga bukedde.' N'agamba nti, 'Kaakati buli omu adde mu ddiini ye.'" Omusalija ono n'agamba nti, "Kale nze saalina ddiini yonna." N'agamba nti, "Ne njamba..."

N'agamba nti, "Nnayimirira awo. N'abalala bona..." N'agamba nti "Asabis a'aja, n'agenda eno; Omupolotesitante naye n'agenda erudda eno; n'Omuyudaaya n'adda erudda eri; n'Abakatuliki ne bagenda eri; n'omusabisa waabwe." N'agamba nti, "Nze ne nnyimirira awo."

121 N'agamba nti, "O-omukungu aduumira n'aŋŋamba nti, "Mulenzi, kisingako singa odda eri eddiini yo." N'amugamba nti, "Sirina yadde emu."

N'amugamba nti, "Kyandisinzeeko ofuneyo emu, kuba ogenda kugyetaagirawo. Nkikakasa ekyo."

N'agamba nti, mu kiseera ekyo yalaba ekibinja nga kiyitawo, era baali Bakatuliki. N'agamba nti yagenda eri kabona oyo n'amugamba nti, "Osobola okumpa eddiini?" N'agamba nti, "Jangu."

N'agamba nti, "Yagenda munda n'anfuula Omukatuliki." Era awo mu New Albany, waaliwo John Howard n'ekibinja ky'Abakatuliki ddala nga batudde awo, omanyi, omusajja ono bwe yali anyumya bino.

N'agamba-n'agamba nti, "Olunaku olwaddako mu kulwana..." Yali ayogera ku, oh, engeri gye kyalimu. N'agamba nti musajja munene, omanyi. N'agamba nti, "Baatuuka ku kulwanagana mikono ku mikono, era nga beefumita n'obwambe, nga bwe baleekaana, nga basala, nga basaawula." N'agamba nti, "Ennyiriri zaabwe zeetugga. Ne beetooloolera eyo Abajapaani bwe baabasuula mu mutego, bwe batyo. Nga n'ezo emmundu ennene nga zivuga, okuva buli luuyi. Okulwana okw'omukono ku mukono!"

122 N'agamba nti, "Butereevu, nnayimirira, okumala akaseera, bwenti." N'agamba nti, "Buli kintu, okuleekaana era n'ebigenda mu maaso, nga toyinza na kwewulira." N'agamba nti, "Omusaayi guugwo." N'agamba nti, "Ne ntunula, ng'omusaayi gwange." N'agamba nti, "Ne ntunula wano. Nga waliwo ekituli mu mbiriizi." N'agamba nti, "Ogwo gwali musaayi gwange." N'agamba nti, "Nze, omanyi, nze-nze-nze... Era ekyannamaddala..." Era mukwano gwe Omukatuliki, kino sikyogera ku-kubasesa kat. "Naye Omukatuliki

owannamaddala n'amugamba- yamugamba nti, "Wasoma 'Mirembe Maria?"

N'amugamba nti, "Nedda, ssebo." N'agamba nti, "Ogwo gwali musaayi gwange. Nnali setaaga basekulitale. Nnagamba nti, 'Njagala kwogera na Musajja Omukulu Yennyini.' Yee, ssebo. Ogwo gwa- ogwo gwali musaayi gwange."

Ndowooza yeeyo engeri gye kirimu. Yee, ssebo. Bwekityo bwe kitambula Tulina okubeera n'empagi kwe twesibidde, ekyenkomeredde. "Nnali sirina budde bwa sekulitale We." N'agamba nti, "Njagala kwogera Naye."

Era ky'ekyo, ow'oluganda. Omuntu bw'ajja eri Kristo, tewetaaga kutwala kigambo kya mubuulizi wanjiri, oba ekigambo kya sekulitale omu, oba ekintu ekirala kyonna. Mmwe Abapulotesitante , temutwala *kino, kiri, oba ekirala*. Genda eri ekyenkomeredde, okutuusa ng'osudde ennanga eyo okuyita mu Kuzaalibwa obuggyga, ng'ozaaliddwa omulundi ogw'okubiri n'ojjuzibwa n'Omwoyo Omutukuvu, n'olaba Baibuli nga erabisiddwa mu bwetooowaze n'okwagala mu bulamu bwo. Oh, awo, ekyo kye kyenkomeredde kyo. Yee, ssebo.

123 Nnasoma mu Kigambo nga Ye ye Kigambo. Awo, ekkanisa y'Omugirimaani bwe yagamba nti kye kino; n'Omumesodisiti, n'Omubaputisiti, n'Omukatuliki. Naye nnasoma mu Kigambo we yagamba nti, "Ku Iwazi luno Nja kuzimba Ekkanisa Yange, n'emiryango gya ggeyeena tegiigiyinzenga." Muwulirize kati, nga mmaliriza. Kaakati Abapulotesitanti bagamba nti...

Kaakati, Abakatuliki bagamba nti, "Yagizimba ku Peetero, mbu 'Gwe Peetero, era ku Iwazi luno..." Nedda, Tagizimbangako. Singa bwe kyali, yagwirawo mangu ago. Baagizimba ku muntu.

Yakola ki? Abapulotesitanti bagamba nti, "Yagizimba ku Ye Yennyini." Nedda. Teyagizimba okwo. Teyagizimba ku Ye Yennyini.

Kiki kye Yakola? Kiki? "abantu bagamba Nze Ani, Omwana w'omuntu?" "Abamu ne bagamba nti Gwe Eriya' ne Musa." N'agamba nti, "Naye mmwe mugamba mutya?" Peetero n'amugamba nti, "Gwe Kristo, Omwana wa Katonda omulamu."

124 Laba ebiambo ebyo kati. "Oweeredwa omukisa gwe, Simooni, mutabani wa Yona. Omubiri n'omusaayi tebikubikkulidde kino. Tewakisoma okuyita mu kabona omu. Tewakiyiga kuyita mu sseminaariyo emu. Naye Kitange Ali mu Ggulu y'Akikubikkulidde. Era ku Iwazi luno," okubikkulirwa okw'omyoyo okw'Ekigambo, "Nja kuzimba Ekkanisa yange, n'emiryango gya ggeyeena tegiyinza kugiwangula." Ne ndowooza nti, "Mukama, Ky'ekyo."

Nnasoma wano mu Kitabo ky'Okubikkulirwa, essuula 21...essuula ya 22, awo we Yagamba nti, "Buli..." Kino kye Kintu ekijjuvu. "Buli anaayongerako ku kyo; buli anaatoolako okuva ku kyo, n'akyegaana okubeera kityo; oba yenna anaagezangako okukifoola ekisingawo obulungi, n'akirongoosa okugya mu lunaku olwo. Buli anaagattangako oba okutoolako, oyo yennyini y'anaggyibwawo, omugabo gwe gunaggyibwako, okuva mu kitabo ky'Obulamu."

Ne njamba nti, "Awo, ky'ekyo kye nneetaaga, Mukama, kwe kukkiriza Kino." Era mu Kino, ogwo omusaalaba waggulu, Kristo yajja. Kituukiridde, wonna, buli Kigambo kye Yali Ayogedde. Twala Ekitabo mu mukono *ogumu*, n'ebayaayo mu mukono *omulala*, kijja kukkasizaawo butereevu, nti kituukiridde. Era awo ne njamba nti, "Kati, nno, Mukama, nsembeza." Era bwe nnakikola, Ne nfunu Kristo, Omwoyo Omutukuvu mu mutima gwange, ekyenkomeredde kyange. Tabadde nze .

125 Nnali mulwadde olumu, bwe nnali...bwe nnafiirwa mukyala wange. Ne nfiirwa omwana wange. Oh, ne nfiirwa kitange, ne nfiirwa muganda wange, ne nfiirwa mulamu wange. Era Billy yali agalamidde ng'afa, era-era nnali kyenkana njenze. Nnali nnyambuka mu luguudo, nga nkaaba, nga njenda ku ntaana ye; ye n'omwana, n'omwana mu mukono gwe. Nga njenda ku ntaana. Nnali ntambula nga nnyambuka. Mwami. Isler yateranga okujja wano n'azanya ggita, omanyi, ye yali Senator w'essaza lya Indiana. Yali ayambuka mu kkubo. N'annyimiriza. N'adduka okujja awo, n'ankwata okunneetoolooza emikono. Kyaliwo oluvannyuma Iw'amataba ga 37, N'ambuuza nti, "Ogenda wa Billy? Eri waggulu?"

Ne njamba nti, "Yee."

N'agamba nti, "Ogenda kukola ki eyo waggulu?"

Ne mugamba nti, "Mpuliriza ejjiba erikadde." Ne mugamba nti, "Ntuula awo ku ntaana y'omwana n'eyomukyala. Era ejjiba ekkadde liija eyo, ne lyogera nange."

"Oh," n'anjamba nti, "Billy!"

Ne mugamba nti, "Weewaawo. Era mpulira ebikoola nga bifulumya eddoboozi ly'oluyimba. Binnyimbira, ssebo Mwami Isler." N'ayogera nti, "Biyimba luyimba ki?" nga bw'abuuza.

Waliwo ensi ebusukka w'omugga,
 Eyo gye bayita ennungi ey'olubeerera,
 Era eyo ku lubalama tutuukayo na kukkiriza;
 Omu ku omu tutuuka ku mulyango omulungi,
 Tutuule eyo n'abatafa,
 Olunaku olumu bwe balinkubira nze naawe ebidde bya zzaabu.

126 N'agamba nti, Billy, njagala okubaako kye nkubuuza." ng'agamba nti, "Kaakati Kristo kiki ky'Ategeeza gy'oli kat? Kiki Kristo ky'Ategeeza gy'oli kat?"

Ne mugamba nti, "Ye bwe Bulamu bwange, Ye byonna wange. Ye byonna bye nnina, Mwami Isler. Ye ye Kamalabyonna wange. Ye kyonna kye nnyinza okwekwatako." Lwaki? Waaliwo ekyali kibaddewo, "Ku lwazi luno!"

N'agamba nti, "Mbaddenga nkulaba ng'oyimirira wano kasonda ng'obuulira, okutuusa bw'obadde ng'agenda okutondoka ofe. Nkulabye essaawa zonna ez'ekiro, wansi ne waggulu ku nguudo, ng'osabira abalwadde. Ate oluvannyuma n'Atwala mukyala wo, n'omwana wo, n'osigala ng'omuweereza Oyo?"

Ne mugamba nti, "Ne bw'Anzita, nsigala Mmwesiga Ye." Lwaki? Ennanga yange yeenywezezza munda. Nnalina ekyenkomeredde. Nneesibira ku Kigambo Kye, era Ekigambo Kye kyali kinywezezza. Ye kyenkomeredde kyange. Nnakizuula nti, bino ebirala byonna biyinza okulemererwa, naye Kristo tayinza kulemererwa.

127 Ekkereziya enkatulika erina Paapa nga ekyenkomeredde. Abapulotesitante balina ba bisopu baabwe, n'ebiyiiye byabwe, ne ba ssabalabirizi baabwe.

Naye, nze, nga Pawulo... Olina ekkalaamu yo? Baako ky'owandiika. Mu... Pawulo yagamba, mu Bikolwa byabatume essuula 20 olunyiriri olwa 24 nti, "Tewali ku bino kinsigula." Oh, osobola okubeera n'ebiyiiye, osobola okuba na buli kimu ky'oyagala okuba nakyo, naye ebyo ebintu tebinsigula.

Emmeeme yange ngiwummulizza mu kiwummulo Kye,
 Obutaddayo kuseeyeeyeza mu nnyanja ezisiikuuse, nga tomanyi na wa w'oli,(ng'odda
eno, n'eri), nate;
 Omuyaga guyinza okukunta ennyo n'amaanyi,

Byonna biyinza okunjiwa.

Naye mu Yesu nnina obukuumi n'okukirawo

Weewaawo. Tewali ku bintu ebyo kinsigula, kuba nsibiddwa ku nnanga eyo.

"Oh, okuva bwe nnamusisinkana Ye," Pawulo yagamba nti, "ku luguudo olwo, mbadde nsibiddwa ku nnanga. Yankusa. Yantandisa buto ddala." Jjukira, Pawulo yalina ekibiina naye, ekyali kisingayo obunene mu nsi, naye ate yeesibira ku kyenkomeredde.

128 Wuliriza. Njagala okubaako kye nkugamba. Yalina ekigendererwa mu kundokola. Yalina ekigendererwa mu kukulokola. Era mmaliridde, olw'okwagala Kwe, okukikola; si kukigattako, ova okukitoolako. Okubikkulirwa 22:19, bw'obeera nga oyagala okukiwandiika. Kale. "Buli yenna aggyako..." Mmaliridde. Nteekateeka kuva ku kkanisa, era mukimanyi ekyo. Era bwe kityo mmaliridde okusigalira ddala n'Enjiri eno kasita mbeera omulamu, okuyita mu buyambi bwa Katonda. Huh! Jjukira, kiikino ekisa. Waaliwo obukadde n'obukadde bw'abaali bafiira mu kibi we Yandokolera. Nze ani nti Yalina okundokola? Yalina ekigendererwa, okundokola, era mmaliridde okutuukiriza ekigendererwa ekyo. Sifaayo. Eyinza okubeera enkomeredero yange, oboolyawo, mangu nnyo gyebujja. Naye, kyonna kye kiri, Nkyasudde ennanga. Sigikyusangako.

129 Mwami. Isler ya njamba nti olunaku olwo, ng'annyambuka mu kkubo, yagamba nti, "Billy, mu buzibu buno bwonna, wasigala okyakuumye eddiini yo?"

Ne mugamba nti, "Nedda, ssebo. Ye yankuma." Um-um. Ennanga yange yali enyweddde. Ekyo kituufu. Sinze yagikuma. Ye yankuma. Sisobola kugikuma. Tewaliwo ngeri yonna nze okukikola. Naye Enkuuma. Yee, ssebo.

Yalina ekigendererwa mu kundokola. Waaliwo bukadde abaali bafiira mu kibi awo we nnajjira gy'Ali, naye Yandokola. Yalina ekigendererwa mu kukikola.

Okufa kwa Kristo kwali kyankomeredde, Eri okukutya.

130 Okufa kwa Kristo kwaddamu ekibuzzo, awo enjuki y'okufa bwe Yamuluma akanno aka ke yamulumisa ne kakwatiramu. Omanyi, enjuki, kiwuka ekirina akanno akaluma, singa ekayingiza munda, ewala ekimala, awo bw'evaawo, ekyo kigiggyamu akanno aka ne kagivaamu. Okufa bulijjo kwalina akanno akaluma.

Okufa bulijjo kwalina akannyo akaluma. Era olunaku lumu awo, mu kwambuka waggulu eyo e Kkalivaaliyo, okuyita mu byaziyazi ebyo, nga n'Omusaayi gumansukira ebyaziyazi ebyo, omusaalaba ogwo, bwe gwakoona ku nfuufu ku Kkalivaaliyo, ng'agenda e Gologoosa, gwali gwekulula guyita mu kkubo ly'ebigere omwali omusaayi oguva mu mubiri ogwo omutono, ogwali gunafuye nga gwambuka eyo. Bo baamukuba era nga bamubetenta Ye, nga bw'Ayambuka akasozi, kyokka ate Ye Yalina ekyenkomeredde. Yali amanyi wa we Yali ayimiridde, kubanga Ekigambo kya Katonda kigamba nti, okuyita mu Dawudi, "Sijja kuleka mutukuvu Wange kulaba kuvunda, newankubadde okuleka emmeeme Ye mu ggeyeena."

Yali amanyi nti okuvunda kujja, mu ssaawa nsanvu mu bbiri. N'Agamba nti, "Muzikirize yeekaalu eno, Nange naagizimba nate mu nnaku ssatu." Yalina ekyenkomeredde.

Awo N'Agenda, waggulu w'akasozi, n'okusekererwa okungi, okuwandulirwa amalusu kw'abasirikale abatamiivu abo abaamubikka ekiwero mu maaso ge, ne bamukuba ku mutwe, ne bagamba nti, "Oli nnabbi? Tubuulire ani akukubye." Yali awo, ng'ayambuka akasozi, mu nsonyi n'obuswavu. Okuba...Engoye Ze nga zimmuggyiddwako, n'Anyooma ensonyi, ng'awanikiddwa ku musaalaba mu maaso g'abantu, ng'ali bwereere. Ng'afiira mu buswavu bw'Abaruumi, wansi wa gavumenti, n'ekibonerezo eky'okufa, Omusajja eyali talina ky'Akoze.

131 Mu lugero olumu kigambibwa nti, Malyamu Magudaleene yafuluma n'agamba nti, "Kiki ky'Akoze? Yawonya abalwadde bammwe, n'Azuukiza abafu bammwe, n'asuumulula abo abaali mu busibe. Akoze ki?"

Era kabona n'amupacca oluyi, okutuusa omusaayi bwe gwamufulumamu, n'agamba nti, "Onaawuliza mukazi oyo oba kabona asinga obukulu?" Oh, ensi eyo ey'ebibiina by'amadiini, kyonna kikolimo. Ky'ekyo.

132 Awo, weewaawo, ne bamwongerayo, naye bwe Yayambuka akasozi, nga bamusindiikiriza

Setaani bulijjo abaddenga akibusabuusa, Ye okubeera ekyo kye Yali. Yagamba nti, "Oba oli Mwana wa Katonda, kyusa amayinja ago gafuuke omugaati. Ogamba nti osobola okukola ebyamagero. Bw'oba nti oli Mwana wa Katonda, lagira amayinja gano gafuukemu omugaati."

Setaani y'omu oyo omukadde aliwo n'olwaleero. Ekyo kituufu. "Bw'obeera nga oli muwonya ow'Obwakatonda! Wuuno omukadde Yokaana gundi atudde wano mu kasonda. Mmanyi mulema. Muwonye." Tokimanyi nti ye Setaani omu oyo omukadde? Yesu yagamba nti, "Nkola ekyo kyokka..."

Labayo, Yayita mu kidiba ky'ebayita Besesuda, eyo enkumi gye zaali zigalamidde, abalema, abazibe, abaagongobala ne bannamukadde abawedde ku mpagala, n'agenda eri omusajja eyali asobola okutambula. Yali asobola okutambula. Ayinza okubeera nga yalina ekizibu ky'akawago. Kyonna kye kyali, nga muzinjamu. Yakirina okumala emyaka asatu mu munaana. N'agamba nti, "Bwe nnyimuka okugwa mu kidiba, laba, nga waliwo ansooseeyo." Yayinzanga okutambula.

Bonna yabaleka awo nga bagalamidde, n'agenda eri oyo yennyini n'amuwonya. Lwaki? Yagamba nti Yali Amayi nti abadde mu mbeera eyo. Awo ne bamugamba, ne bamubuuza, bwe baamuzuula Ye. Omukuvu Yokaana 5, N'Abagamba nti, "Ddala ddala, mbagamba, Omwana taliiko ky'akola ku bubwe Ye, okuggyako ng'Asoose okulaba Taata ky'Akola." Kiikyo awo ekyenkomeredde Kye. Ekyo kikyali kyankomeredde.

133 Nga nnyimiridde eyo mu Finland olunaku olwo, era omulenzi oyo omuto ng'agalamidde awo, ne ntambulatambula, ye ng'agalamidde awo, nga mufu, ng'amaze ekitundu ky'essaawa nga mufu. Mwasoma mu kitabo. Ne ntandika okutambula nga njenda, Ekintu ne kintekako engalo zaakyo. Ne nkyuka, ne ndowooza nti, "Kibadde kiki ekyo?" Nnatunula nate. Ne ndowooza nti, "Lindako katono."

Ne nziramu ne ntunula wano ku muko gwa Baibuli. "Era olulituuka, omulenzi omuto emyaka nga mwenda, ajja kuttibwa ekidduka. Wajja kubeerawo ensozi eziwerako nga ziriko omuddo ogwakiragala, nga zeengese okudda eyo. Emmotoka ejja kubeera awo ebusukka w'ekkubo, nga esensebuse. Ajja kubeera ne sitookisi, nga, ziri wagguluko; ng'asaze enviiri ze mu ngeri nti zija kuba nsale ku mabbali g'omutwe ate ng'azireseeko waggulu ku mutwe gwe. Amaaso ge amatono gajja kuba nga gaguddemu. Amagumba mu mubiri gwe gajja kuba gamenyese." Nnatunula. Ne ndowooza nti, "Ayi Katonda!"

Ne njamba nti, "Muyimirire butengerera, mwenna." Nga ne mmeeya w'ekibuga waali awo. Ne mbagamba nti, "Omwana oyo bw'atabeera ku bigere bye mu ddakiika bbiri okuva kat, mbeera nnabbi wa bulimba; munvuge, munzige mu Finland." Mazima Ddala. "Naye bw'anaaba ayimuse, obulamu bwammwe mubuwe Kristo." Kituufu ekyo. Ne bayimirira butengerera.

Ne njogera nti, "Taata ow'omu Ggulu, eyo ng'osomose ennyanja, emyaka ebiri egiyise, Wagamba nti omulenzi ono omuto ajja kuba agalamidde awo."

134 Waaliwo ow'oluganda Moore n'owoluganda Lindsay, nga bakilaba ekyo. Nga ate, buli wamu, baakiwandiika mu Baibuli. Era nga kiwandiikkwa mu nkumi n'enkumi za Baibuli mu nsi. Kyali kiki? Ekyenkomeredde. Taata yali alaze ekijja okubeerawo. Tewaaliwo kutya, n'akamu, nga nyimiridde awo.

Ekyenkomeredde, ddala, ajja kuzuukira.

Awo wennyini mu Finland, eyo enkumi z'abantu nga bajja mu kiro, nga nnina n'okubafulumya abamu nsobole okwogera nabo, nga mbafulumyako abamu ne nnyingiza abalala. Yali awo ng'ayimiridde, n'ebyo byonna. Abantu banjagala, baali balabye okuwonyezebwa nga kukolebwa, naye wano waaliwo omulenzi agalamidde awo, nga mufu. Ekyenkomeredde kyali Ki? Okwolesebwa. "Nkola ekyo Kitange ky'Ajnjamba okukola. Oyo akkiriza Nze, emirimu gye nkola naye ajja kugikola." Kiikyo ekyenkomeredde kyo.

Ne njamba nti, "Kufa, toyinza kumukwata nate. Katonda ayogedde. Komawo. Mute." Omulenzi oyo omuto n'azuukira, n'atunula tunula bw'atyo. Abantu ne batandika okuzirika, na buli kimu.

135 Kiri awo, kiwandiikkidwa awo, nga kiteekeddwako omukono gwa mmeeya, okuyita mu oyo akakasa ebiwandiiko okuba ebituufu. Bwe kiri.

Kiri ki? Ekyenkomeredde, Yesu Kristo y'Omou jjo, leero, n'emirembe gyonna. Oyo bw'abeera nga si ye Katonda omu Eyayimiriza omukazi okuva e Nayini, okuziika omwana we. Omuntu yenna bwe yafanga mu nnaku ezo, baabateekerangawo mu ntaana. Tebabalekanga kubeera awo. Baabaateekanga mu ntaana. Wuuyo awo Yesu Kristo y'Omou, jjo, leero, n'emirembe gyonna. Weewaawo.

136 Laba eyo mu Mexico, omwana oyo omuto. Abamu ku mmwe, muli wano, nga mutudde wano. Era omwana oyo, omusawo yateeka omukono ku kiwandiiko, kyawandiikkibwa mu Christian Business Men. "Omwana oyo omuto yafa ku makya okwo ku ssaawa ssatu, ate zino zaali ssaawa nnya ekiryo ekyo."

Omukazi oyo nga tosobola kumubudaabuda. Billy mutabani wange ng'ayimiridde awo, ng'agezaako okumuzzaayo. Era yalina, kale, nteebereza baalina abayambi nga ebikumi bibiri nga bayimiridde awo, ng'omukazi oyo abalinnyako. Ekiro eky'olunaku olwayita, omusajja omuzibe yazibuka amaaso ge, era ng'omukazi ono yakimanya. Yali Mukatuliki.

Awo, oluvannyuma, nnagamba nti, "Genda, Ow'oluganda Moore, omukazi omusabire. Kubanga, omwana oyo..."

Enkuba yali etonnya, nga eyiika. Baali bayimiridde awo okuva kumakya ennyo, mu kifo ekyetoolooovu eyo gye bazannyisiza ente ennume. Ne njamba...Banzisa ku miguwa, emabega, okuyingira mu kifo. Twaaliyo okumala ebiro bisatu.

Nnayimirira awo. Ne njamba nti, "Nga bwe mbadde njamba..." nga mbuulira. Ne ntunula, ne ndaba omwana mu maaso gange omuto, omwana Omumexico, nga talina mannyo, ng'atudde awo ng'ansekerera, wano wennyini mu maaso gange.

Ne njamba nti, "Lindako katono, Ow'oluganda Moore. Mumuleete wano." Oh, ekyenkomeredde!

Abayambi ne badda emabega. Awo n'ajja. N'agwa wansi n'agamba nti, "Padre, Padre." Ne mugamba nti, "Yimirira."

Era Ow'oluganda Espinoza n'amugamba nti, "Yimirira," kati yakimugamba mu lulimi oluSpanish. N'ayimirira awo. Ne njamba nti, "Taata ow'omu Ggulu, nnyimiridde wano mu nkuba eno."

137 Omukazi oyo omuto omulungi ng'ali mu myaka ng'abiri mu ebiri, bwe kityo, nga enviiri ze zigwa wansi. Ng'atunizza amaaso ge waggulu *bwati*, mu ntunula ye nga mulimu okusuubira. Yali alabye omusajja oli eyali omuzibe ddala okumala emyaka ng'ana, amaaso ge nga gazibukira ku kituuti. Yamanya nti Katonda bw'aba ng'Asobola okuzibula amaaso agaaziba, Yali Asobola okuwonya omwana we. Yali agalamidde awo, ekintu ekifu ekiteenyenya nga kiri munda mu bulangiti bwe kityo, nga etotobadde. Yali ayimiridde awo amakya gonna, era n'olweggulo, Iwonna. Awo, zaali nga ssaawa ttaano, nnya ekiryo ekyo, ekintu bwe kityo, nga asitudde omwana oyo. Mwalaba eggulire eryo mu Christian Business Men. Ng'ali awo, nga asitudde omwana oyo bwatyo.

Ne njamba nti,, "Taata ow'omu Ggulu, simanyi kiki kye kitegeesa kino. Ndi muwerezawo buweereza. Naye ndabye omwana oyo ng'ayimiridde waggulu. Abadde mulamu. Mmunteekako emikono gyange, mu Linnya Iya Mukama Yesu." N'agamba nti, "Whah!" n'atandiika okukaaba.

Maama n'asitula omwana n'atandika okuleekaana. N'abantu ne batandika okuleekaanira awo, ng'abakazi bazirika ne byonna. Ne njamba nti, "Temubaako kye mukyogerako ekyo. Mutume omuddusi agende n'omwana oyo, ne maama oyo, mugende eri omusawo oyo, mumugambe ateeke omukono ku kiwandiiko, nti 'omwana oyo yafudde. Yafudde lubyamira, amakya agaayise, era, oba ku makya ago ku ssaawa ssatu."

Twafuna ekiwandiiko omusawo ky'ataddeko omukono, "Omwana yalandirwa okubeera 'ng'afudde'" mu woofiisi y'omusawo amakya ago, era maama n'amusitula olunaku Iwonna.

Kyali kiki? Ekyenkomeredde. Kyali kiki? Omukazi yakkiriza nti, Katonda bw'Aba nga Asobola okuzibula

amaaso agaaziba, (kiki?) Katonda Asobola okuzuukiza abafu, kuba y'Omujjo, leero, n'emirembe gyonna.

Nnali sikakasa. Ssaakimanya okutuusa nga nkirabye. Era bwe nnalaba omwana omuto, kyali kyankomeredde, ddala kituufu. Kyali awo. Okufa kulina okuta gwe kubadde kututte.

138 Wuuyo Omwana wa Katonda ng'agenda. Enjuki eyo ey'okufa n'etandika okumuzungirako Ye. "Ah, Ayinza atya okubeera nnabbi? Ayinza atya okuyimirira awo n'aleka bawandule amalusu mu maaso Ge? Ayinza atya okuyimirira awo, n'abaleka bamujerege Ye, n'atabaako ky'akikolera? Oyo si ye Emmanweri. Oyo muntu wa bulijjo. Laba enduuusu z'obutamiivu bw'abajaasi abo. Laba amaaso Ge nga muvaamu omusaayi."

Setaani n'agamba nti, "Nja kumufuna Ye. Nja kumufuna Ye." Wuuyo ajja, nga enjuki, okulumu kw'okufa, nga amuzuungirako. Naye, ow'oluganda, kasita enjuki eyo yateeka akannyo kaayo mu Emmanweri, we yamuvuirako, yali efiiriddwa akannyo kaayo olwo, n'okufa nakwo bwe kutyo.

Tekyewuunyisa Pawulo, oluvannyuma, yasobola okutunula mu maaso gakwo, n'agamba nti, "Oh, kufa, akannyo k'okulumu kwo kali ludda wa? Amagombe, obuwangizi bwo buli ludda wa? Twebaza Katonda, Oyo Atuwa obuwangizi!" Okufa kwa Kristo kwali kyankomeredde eri buli muntu eyali akutya.

Omutima gwange gukubira "amiina." Buli Kigambo kya Katonda mu Kitabo Kye. Nnjenda kumaliriza, mazima ddala kat. Nnina okubisalako bino. Mulaba?

139 Y'ensonga Iwaki mmanyi nti Omwoyo Omutukuvu y'endagirirabifo yange ennuñjamya. Y'Oyo Andeetera okumanya nti Ekigambo kino mazima. Y'ekyenkomeredde kyange. Ye Musana gwange. Ye bwe Bulamu bwange. Y'ennanga yange. Emitawaana ne bwe gibaawo. Y'emmunyeenye yange ey'omu mambuka. Nga mbuze, Omwoyo Omutukuvu y'endagirirabifo yange enkomyawo mu kifo ekayo.

Ebibiina by'amadiini biri nga emmunyeenye endala, bisenguka n'ensi. Emmunyeenye endala zo zisenguka na nsi ng'esenguka, naye si mmunyeenye ya mu mambuka. Ensi esobola okusengukira wonna weeyagala okudda, naye yo esigala awo. Oh, ow'oluganda, Emmunyeenye ey'omu mambuka nnywevu. Endala zisenguka senguka, osobola okuziraba wano, era ne wali, n'ewalala wonna. Bwe kityo bwe kiri n'amakanisa g'ebibiina by'amadiini.

Naye Kristo ye kyenkomeredde. Y'Oyo gw'oynza okussaamu obwesigwa. Ng'ebibiina by'amadiini byonna bikutuzze, tunuulira butunuulizi Emmunyeenye y'omu mambuka. Omwoyo Omutukuvu y'endagirirabifo yo.

140 Bulijjo Asigala w'amazima eri Ekigambo Kye.

Bwe banjamba nti ebyo tebisobola kubeerawo mu lunaku olutuukana n'omulembe nga luno, nnamanya nti. Singa-singa awo-singa tewali Katonda, awo beerawo, olye, onywe, osanyuke. Bwe wabaawo Katonda, leka tumuweereze Oyo. Era mbaddewo ne ndaba olunaku olwo Lw'Akoleddemu buli kintu, ng'okuzuukiza abafu, bwe Yali wano ku nsi. Era ekayo tukimanyi okuyita mu bigambo ebyawandiikibwa, nti ge mazima, Yee, ssebo.

Y'ekyenkomeredde kyange. Kaakati Mufuule Ekyenkomeredde kyo. Twala munda e... Mu kiseera kyange eky'emitawaana, Y'Abaddenga ekyenkomeredde. Kaakati Genderera. Okuyita mu kisa kya Katonda...

Kaakati kisingako nzigalewo. Butandise okuyita. Kale, mulabe wano, ndowoozezza nti ssaawa ziri ttaano, kyokka ziri mukaaga n'ekitundu.

141 Mikwano, olunaku Iwonna, ekiro kyonna, omwaka gwonna, okuyita mu Butaggwaawo bwonna, tebuyinza kukyogerako kimala. Togezaako kukifumiitirizaako. Tosobola. Tewaliwo ngeri ya kukifumiitirizaako. Ogamba nti, "Ow'oluganda Branham, bw-bw'oba..."

Simanyi. Nzirkiriza bukkiriza. Ndekeraawo okugezaako, okubaako kye nkikolako. Nkikkiriza bukkiriza, ky'ekyo. Mulaba? "Si oyo adduka, oba oyo ayagala; wabula Katonda y'Asasira." Mulaba? Si Iwa bikolwa. Lwa kisa. Mulaba? Nkikkiriza bukkiriza. Katonda, kiri eri Ye okukola ekitigalidde. Kikkirize bukkiriza, okikolerek.

Oluyimba luno olumanyikiddwa, Nnabawulidde nga baluzannya oba nga baluyimba wano oba awantu awamu.

Oh, kwagal Kwa Katonda, nga kwamuwend!

Tekupimibwa kw'amaanyi!

Kulibaawo emirembe gyonna,

Luyimba Iw'Abamalayika n'Abatukuvu.

142 Omuntu ng'akozesa eby'okubala, yagezaako okukimenyamenya, oba okugezaako okulaga ng'ayita mu

buyivu bwe, ajja kukulalusa. Tosobola kukikola Togezaako kukikola. Togezaako kukifumiitirizaako. Katonda asukkulumye ku kumufumiitirizaako. Tofuumiitiriza ku Katonda. Katonda omukkiriza bukkiriza. Ekyo kye kya... Ekyo kye kyama. Tokifumiitirizaako. Kikkirize bukkiriza. Siyinza kukubuulira kiki kye kitegeeza. Siyinza kukugamba ngeri ya kukikolamu. Mmanyi bumanya nkikkiriza bukkiriza. Ky'ekyo.

Nga bw'osuubiza omwana omuto ekintu, akikkiriza. Olina okukuuma Ekigambo kyo. Oli mwana wa Katonda. Akuma Ekigambo Kye. Kikkirize bukkiriza. Tonyeenyezebwa. Sigalira ddala awo. Katonda yakikola olunaku olumu, Alina okukikola nate. Bw'atakikola, Ajja kukubuulira Iwaki Tasobola kukikola. Era ekyo kituufu. Kaakati, sigala butereevu nakyo.

143 Mumanyi, olunyiriri olwo olumu awo... Nzirkiriza muganda waffe omwagalwa awo, yabatizibwa ekiro kya jjo, ayimba oluyimba olwo, "Oh, kwagala kwa Katonda." Banjamba nti olunyiriri olwo, ekitundu kyalwo kino, kyasangibwa nga kiwandiikkidwa ku kisenge ky'eddwaliro ly'abalalu. Nga kigamba nti:

Singa ennyanja tugijjuza ne bwino,
Ng'ebbangla lyonna kye kitabo;
Ng'ebimera nga zekkalaamu,
Buli omu nga muwandiisi;
Okuwandiika Okwagala kwa Katonda okwo
kwandimazeewo enyanja ya bwiino oyo;
N'ekitabo... kyandiweddewo,
Yadde kyenkana n'obwengula bwonna.

144 Kirowoozeeko, Awo, nga ebitundu bisatu bya kuna eby'ensi nga mazzi. Era otunuulire omukka ogw'omu bbanga ogwa oxygen ne Hydrogen, ebbugumu n'ebirala. Mulaba? Singa buli luzzizi oluva mu bbanga Iwali bwiino. Era lowooza ku buwumbi, era n'obusiriivu n'obusiriivu bw'obuwumbi bw'obuseke obuyinza okubeera ng'ekkalaamu. Era lowooza ku buwumbi bw'abantu ababadde ku nsi, nga buli omu awandiika. Okunnyika ekkalaamu ezo mu nnyanja eyo, n'okugezaako okufumiitiriza okwagala kwa Katonda, kyandimazeewo bwiino oyo; n'ekitabo kyandiweddewo yadde kiva mu butaggwaawo ne kituuka mu butaggwaawo.

Tokifumiitirizaako. Tosobola. Ojja kuwunga buwunzi, ng'ogezaako okifumiitirizaako. Kikkirize bukkiriza. Mufuule ekyenkomeredde kyo. Sigala awo, eddembe eriwoomeerevu n'obumanyirivu bw'otajja kwerabira. Nywerera ku ekyo era ennanga yo ejja kunywera. Ka tukoteke emitwe gyaffe.

145 "Nga Oli Mukulu! Nga Oli Mukulu!" Bameka abali wano, nga mukotese emitwe gyammwe enkyo ya leero... Kaakati kisemberedde omwaka omuggya. Ate nga obadde munnaddiini nnyo, era ekyo kirungi. Nkisiima, buli omu ku mmwe. Nkakasa Katonda naye Akisiima. Naye nga ddala temunnafunu bumanyirivu obw'ekyenkomeredde?

Ekyo ekintu ky'otamala gefuula bwefuulizi mukkiriza, tewakifumiitiriza bufumiitiriza, naye Ekintu ekimu kyakuddamu nga kyogera gy'oli, awo n'olaba obulamu bwo nga bukyuka okuva mu kaseera ako. Mulaba, buli Kigambo kya Katonda, na buli kisuubizo, nga kikubirwa "amiina." Olwo obeera weekutte ku kyenkomedde. Kuba, jjukira, Yagamba nti, "Eggulu n'ensi biriggwaawo, naye Ekigambo Kyange tekirrigwaawo."

Tonnatuuka ku ddaala eryo, awo w'oyinza okugamba nti "amiina" eri buli Kigambo, ne bwe kyandibadde nga kikontana n'ekiyiiye kyo, nga kikontana n'ekibiina ky'eddiini kyo, naye oyagala okujja mu kifo ekyo, nga Musa, n'abalala bonna? Baali tebayinza kukola ekyo okutuusa nga bakute ekyenkomeredde ekyo. Era okyagala mu bulamu bwo enkyo ya leero, musobola okulaga nti mukkaanya ku kyo nga muwanika emikono gwammwe eri Katonda? Katonda abawe omukisa. Kale, Ssebo. Mu kizimbe wonna.

146 Taata ow'ekisa, Mmanyi nti ekiseera ekimu tuteekeddwa okugenda. Wateekeddwa okubeerawo ekiseera awo we tugenda okuva mu nsi eno. Tetumanyi kiseera ki ekyo, era tekikola njawulo y'amaanyi nnyo. Singa obudde bwaffe bubeera nga buweddeyo, awo twagala kujja. Ekipendererwa ky'okusigala kwaffe wano kwe kukuweereeza Gwe.

Era nga ku luguudo olw'okuzikirira, olunaku lumu, nga Pawulo bwe yali ku luguudo olugenda e Damasiko, okuleeta okuzikirira okw'amaanyi eri Ekklesia, Ekitangaala ne kimuziba amaaso. Era. Ai Katonda, Ekitangaala ekyo kyamugoberera, kuba kyal Kristo. N'asuula ennanga ye eyo eri ekyenkomeredde, nti, n'okufa kwennyini, yasobola okukusekerera mu maaso gakwo n'agamba nti, "Yeebale Katonda Oyo atuwa obuwangizi okuyita mu Yesu Kristo."

Wafuuka ekyenkomeredde ekijjuvu eri omutume oyo. Yali... Ggwe wali Amiina gy'ali, mu buli kigambo. Ggwe wali Emmunyeeny mu bulamu bwe, empagi erunjnamya. Ggwe wali engagirirabifo eyo emulunjnamya okuyita mu tuyaga. Ggwe wali okubikkulirwa. Ggwe wali okwolesebwa. Wali ssuubi lye, obulokozi bwe. Nti ne mu ssaawa ey'okufa, bwe yamanyira ddala nti yali agenda gye kuli, Ggwe wasigala oli kyankomedde kye.

147 Wali kyankomeredde kya Danyeri. Wali kyankomeredde kya bannabbi bona. Mu masekkati g'enjawukana mu madiini, n'emitaawaana gy'ennaku ezo, n'Abafarisaayo wamu n'Abasaddukaayo, era waali wakyaliwo abasajja abaakutwala Ggwe nga ekyenkomeredde kyabwe.

Era olwa leero, Mukama, abasajja n'abakazi abalina okusaasira, abalina okwagala, ne-n'emitima egimenyese, Mukama, okusobola okufuna obumanyirivu obw'okumanya Katonda, era n'okufuna o-o-obukakafu obw'ekyenkomeredde. Oboolyawo abantu bona kye baali bategedde, emabega, Mukama, kyal eky'okwegatta ku kkanisa. Era tukizuula, nga bwengezezzaako, mu bwesimbu, si kubeera wa njawulo; Omanyi omutima gwange; naye okubagamba nti, "Toyinza kwegatta ku Kkanisa. Oyinza kufuuka munnakibiina, ow'Abamesodisiti, Ababaputisiti, n'Abakatuliki, n'ebibiina by'Abapentekoote. Wabula olina kuzaalibwa mu Kkanisa, Omubiri gwa Kristo Ogutalabika, era n'ofuuka mmemba w'Omubiri Gwe, n'ebirabo eby'Omwoyo, okuleetera Omubiri Gwe ogw'ekitalo okutambulira mu kukola ne mu maanyi."

148 Katonda, ekyo emikono gino kye gitegeezza enky ya leero, bwe giwanikiddwa waggulu. "Nteeka nze, Ai Mukama. Ntwala nze, mmumba nze, nfuula. Fuula ekifo kyange mu bulamu ekyenkomeredde ekyo, nga nsibiddwa ku Kristo, nti sijja kulowooza kintu kirala kyonna wabula ekyenkomeredde ekyo." Kituwe Mukama, Mukama. Bawe omukisa. Wonya abalwadde n'abanyigirizibwa. Lokola ababula.

Kaakati, Mukama, tumanyi nti nkola ya bulijo okuyita abantu ku woolutaali, naye ekyo kitufuukidde akalombolombo. Era enky ya leero, nga woolutaali zижjudde, era a-abaana abato na-ne bona, naye, Mukama, mu ngeri emu ova endala Oyogeddeko nabo. Bawanise emikono gyabwe. Bakikoze-bakikoze, okubeera ng' okusalawo. Baagala okukikola. Ba-ba-baagala ekintu ekyannamaddala. Era mpaayo essaala yange ku Iwabwe. Kiwe buli omu, Mukama. Beera naffe kaakati, ng'osonyiwa ebibi byaffe, ng'owonya endwadde zaffe, era ng'otuwa okusumululwa okwo kwe twetaaga.

149 Era, Mukama, waggulu w'ebintu byonna, tuleme okwerabira, olwa leero, nti tusibiddwa eri ekyenkomeredde, Emmunyeenyeye yaffe ey'omu mambuka, okudda e Kkalivaaliyo, n'okudda eri Kristo. Era Omwoyo Omutukuvu ng'Atwala Ebigambo bya Katonda n'Abyoleka mu buliwo gye tuli, okuyita mu kuwonya abalwadde, okutulaga okwolesebwa, okuzuukiza abafu, nga Akolera ddala ekyo kye Yasuubiza okukola.

Era leka ekklesia eno, n'abantu bano, ova ekitundu ky'Omubiri gwa Kristo ekikunjanye wano enky ya leero, kibeere nga Yesu bwe Yagamba okubeera. "Muli munnyo gwa nsi." Era leka bafuuke ba munnyo nnyo okutuusa ekitundu kyabwe eyo gye babeera bwe kinaalumwa ennyonta. Omunyyo guleeta ennyonta. Era omunyyo guyamba nga okwataganye nagwo. Era nsaba, Katonda nti kino Ojja kukiwa abantu bano, nabo basobole okuwangula emmeeme.

150 Wa omukisa musumba waffe, Ow'oluganda Neville, omuweereza ono omwetoowaze, Mukama. Ng'ayimiridde mu buvunaanyizibwa bwe obw'omulimu, nga yeewombeese, nga memba w'Omubiri gwa Kristo, ng'agezaako kyonna ky'asobola okugoberera buli kintu kyonna ky'Oyinza okumugamba okukola.

Wa omukisa Abawanika b'ekklesia, abasajja abo abaayimirira nange n'okusaasira okungi mu bino biseera ebizibu ennyo bye mbadde mpitamu.

Yimirira n'Ekklesia abaasaba nange era ne bayimirira nange mu biseera eby'emitawaana. Mukama, mbaagala. Era mpaayo okusaba kwange, nti bajja kukutunuulira Ggwe, Mukama. Nsaba baggye amaaso gaabwe ku muweereza Wo ono enfuufu obufuufu, afa. Nsaba batunuulire Oyo Omuyinza wa byonna, era Aliwo. Era tumanyi, Mukama nti ffe tulina ekkomo. Si nsonga tuli baani, tukyali abafa. Naye era, si mubaka, wabula Obubaka. Kituwe Mukama. Awo we tusonze, ku Yesu Kristo Omwana wa Katonda. Kituwe nti Ajja kabeera wannamaddala eri buli omu ali wano olwa leero, n'eri abaana abato, nti Ajja kufuuka ekyenkomeredde eky'ekibiina kyonna. Tukisabye mu Linnya lya Yesu. Amiina.

- 151 Mmwagala, Mmwagala,
 Kuba Ye yasooka okunjagala;
 N'agula obulokozi bwange
 Ku muti e Kkalivaaliyo.

Kaakati, nga tukiyimba nate, baako gw'osikako mu mukono mu maaso go, emabega wo, mu njuuyi zo, buli muntu musikaganeeko mu mikono kaakati. Musigale nga mutudde. Kyuuka obeeko gw'osikagana naye emikono, bw'oba nga osobola. Mulaba?

"Nze..." [Ow'oluganda Branham asika emikono ng'ekibiina bwe kiyimba Mmwagala -Omuk.] "N'agula..."

152 Balanze bulanzi, "Okusembra, Mmande ekiro, mu ttumbi. "Leka tuwanike emikono gyaffe kaakati tumuyimbire Ye. Bameka, bameka abawulira (ggwe) Ye kyenkomeredde kyo? [Ekibiina kigamba nti, "Amiina." -Omuk.] Ekigambo, Ye kye Kigambo. Mukikkiriza ekyo? ["Amiina."] Ye kye Kigambo. Era Omwoyo Omutukuvu yawa Ekigambo amaanyi, okuleetera Ekitangaala ekyo okuba ekiramu mu ggwe, olw'Ekigambo, okukakasibwa kw'Ekigambo. Teeka Ekigambo mu mutima gwo. Leka Omwoyo Omutukuvu Ajje munda olabe Ekigambo nga kikola. Kkiriza. Beera muwombeefu. Toyayaanira kabeera omuntu omu ow'amaanyi. Beera

atalina ky'oli, Katonda asobole okukufuula omuntu alina ky'oli. Mulaba? Kale. Ekyo kikole kaakati.

Mwenna mumwgala? muddeemu nti, "Amiina." [Ekibiina kigamba nti, "Amiina." -Omuk.] Mumanyi kiki Ekigambo ekyo *amiina* kye kitegeeza? "Leka kibe kityo." Amiina. Kituufu ekyo.

Leka tugambe nti, "Aleruuya." [Ekibiina kigamba nti, "Aleruuya!" -Omuk.] Mumanyi kiki ekyo kye kitegeeza? "Yeebazibwe Katonda waffe."

153 Bwe nnali mu Bugirimaani ebbanga si ddene eriyise, nnayimirira mu maaso g'abantu (nga) emitwalo esatu, oba ena nga bali wabweru awo ku lunaku olwo, ne ηnjamba nti, "Kyewuuunisa nti mmwe Abagirimaani temusobola kutegeera." Ne mbagamba nti, "Nga nzija mu kkubo wano olwaleero, embwa yamboggoledde mu Lungereza. Ekyo kituufu." Ne mbagamba nti, "Yabadde terina buzibu n'akamu. Era awo nga watuddewo akanyonyi, era ne kannyimbira mu Lungereza. Nnakkiridde wansi mu luguudo, nga maama omu alina omwana omuto mu mikono gye, bwe nnayingidde awo emabega, era," Ne mbagamba nti, "omwana oyo yabadde akaaba mu Lungereza. Abantu bammwe balina buzibu ki?" Kituufu ekyo. Oh, singa otunula butunuzi okwetooloola, Ali buli wamu. Tali? [Ekibiina kigamba nti, "Amiina." -Omuk.] Ddala, Ali.

154 Kaakati ka tuwanike emikono gyaffe tuzibirize amaaso gaffe, tuyimbe, nga bwe tusaba omusumba okujja Okusiibula abantu. Ka tuyimirire, okusooka. Buli omu ku bigere byo, buli omu.

Mumwagala? Nate kaakati mugambe nti, "Amiina." [Ekibiina kigamba nti, "Amiina." -Omuk.]

Era mumanyi, ekigambo ekyo *Aleruuya* kye kimu mu buli lulimi. Genda mu nsiko z'aba Hottentot eza Africa, *Aleruuya* kigambo kye kimu. Aleruuya, kigwanidde kyenkana okubeera okulamuska kw'Ekkristaayo. Si bwe kirina okuba? [Ekibiina kigamba nti, "Amiina." -Omuk.] *Aleruuya*, ekigambo ekyo kitegeeza nti "yeebazibwe Katonda waffe." Era Akigwanidde. Takigwanidde? ["Amiina."] Ye Mulokozi wange ddala. Gyendi, ye Yesu Kristo ddala, Omwana wa Katonda, gyendi Ddala ddala "y'Omujjo, leero, n'emirembe gyonna," gyendi. Ali bw'Atyo gye muli? ["Amiina."] Mmwagala,

Mmwagala Kubanga Ye yasooka okunjagala;

N'agula...(Katonda akuwe omukisa, ow'oluganda.)



Byabuulirwa
William Marrion Branham
"...mu nnaku z'eddoboozi..." Kub. 10:7